


小兒藥證真訣
顛





小兒藥證真訣

錢乙撰

叢書集成初編

(補印本)

小兒藥證真訣及其他一種

一九三九年十二月初版
一九六〇年一月補印

商務印書館出版

上海市印刷六廠印刷

本館叢書集成初編所選
聚珍版叢書及惜陰軒叢
書皆收有此書聚珍在前
故據以排印

原序

醫之爲藝誠難矣。而治小兒爲尤難。自六歲以下。黃帝不載其說。始有顛顛經。以占壽夭死生之候。則小兒之病。雖黃帝猶難之。其難一也。脈法雖曰八至爲和平。十至爲有病。然小兒脈微難見。醫爲持脈。又多驚啼。而不得其審。其難二也。脈旣難憑。必資外證。而其骨氣未成。形聲未正。悲啼喜笑。變態不常。其難三也。問而知之。醫之工也。而小兒多未能言。言亦未足取信。其難四也。臟腑柔弱。易虛易實。易寒易熱。又所用多犀珠龍麝。醫苟難辨。何以已疾。其難五也。種種隱奧。其難固多。余嘗致思于此。又目見庸醫妄施方藥。而救之者十常四五。良可哀也。蓋小兒治法。散在諸書。又多出于近世臆說。汗漫難據。求其要妙。豈易得哉。太醫丞錢乙字仲陽。汝上人。其治小兒。該括古今。又多自得。著名于時。其法簡當精密。如指諸掌。先子治平中登第。調須城尉。識之余五六歲時。病驚疳癆。屢至危殆。皆仲陽拯之。良愈。是時仲陽年高。少不肯輕傳其書。余家所傳者。纔十餘方耳。大觀初。余筮仕汝海。而仲陽老矣。于親舊間。始得說本數十條。後六年。又得雜方。蓋晚年所得益妙。比于京師。復見別本。然旋著旋傳。皆雜亂。初無紀律。互有得失。罔得參校焉。其先後則次之。重複則削之。訛謬則正之。俚語則易之。上卷脈證治法。中卷記嘗所治病。下卷諸方。而書以全。于是古今治小兒之法。不可以加矣。余念博愛者。仁者之用心。幼幼者。聖人之遺訓。此惠可不廣耶。將傳之好事者。使幼者免橫天之苦。老者無哭子之悲。此余之志也。因以明仲陽之術于無窮。宣

小兒藥證真訣

原序

教郎大梁閻季忠序。

錢乙傳

錢乙字仲陽。上世錢塘人。與吳越王有屬。俶納土。曾祖贊隨以北。因家于鄆。父顯。善鍼醫。然嗜酒喜游。一旦匿姓名。東游海上。不復返。乙時三歲。母前亡。父同產姑。嫁醫呂氏。哀其孤。收養爲子。稍長。讀書。從呂君問醫。呂將歿。乃告以家世。乙號泣請往跡父。凡五六返。乃得所在。又積數歲。乃迎以歸。是時乙年三十餘。鄉人驚嘆感慨。爲泣下。多賦詩詠其事。後七年。父以壽終。喪葬如禮。其事呂君猶事父。呂君歿無嗣。爲之行葬服。嫁其孤女。歲時祭享。皆與親等。乙始以顯顛方著山東。元豐中。長公主女有疾。召使視之。有功。奏授翰林醫學。賜緋。明年。皇子儀國公病瘵。癘。國醫未能治。長公主朝。因言錢乙起草野。有異能。立召入。進黃土湯而愈。神宗皇帝召見。褻諭。且問黃土所以愈疾狀。乙對曰。以土勝水。木得其平。則風自止。且諸醫所治垂愈。小臣適當其愈。天子悅其對。擢太醫丞。賜紫衣金魚。自是戚里貴室。逮士庶之家。願致之。無虛日。其論醫。諸老宿莫能持難。俄以病免。哲宗皇帝復召宿直禁中。久之。復辭疾。賜告。遂不復起。乙本有羸病。性簡易嗜酒。疾屢攻。自以意治之。輒愈。最後得疾。憊甚。乃嘆曰。此所謂周痺也。周痺入臟者死。吾其已夫。已而曰。吾能移之。使病在未。因自製藥。日夜飲之。人莫見其方。居亡何。左手足攣。不能用。乃喜曰。可矣。又使所親登東山。視兔絲所生。篝火燭其下。火滅。虜。剔之。果得茯苓。其大如斗。因以法噉之。閱月而盡。繇此雖偏廢。而氣骨堅悍。如無疾者。退居里舍。杜門。不冠履。坐臥一榻上。時時閱史記雜說。客至。酌酒劇談。

意欲之適。則使二僕夫輿之。出沒閭巷。人或邀致之。不肯往也。病者日造門。或扶攜襁褓。負壘壘滿前。近自鄰井。遠或數十里。皆授之藥。致謝而去。初長公主女病泄痢。將殆。乙方醉。曰。當發疹而愈。駙馬都尉以爲不然。怒責之。不對而退。明日疹果出。尉喜。以詩謝之。廣親宗室子病。診之。曰。此可無藥而愈。顧其幼。曰。此兒旦夕暴病。驚人。後三日。過午無恙。其家悲。曰。幼何疾。醫貪利。動人。乃如此。明日果發癩。甚急。復召乙治之。三日愈。問何以無疾而知。曰。火急直視。心與肝俱受邪。過午者。心與肝所用時。當更也。宗室王子病嘔泄。醫以藥溫之。加喘。乙曰。病本中熱。脾且傷。奈何以剛劑燥之。將不得前後。搜與石膏湯。王與醫皆不信。罷謝。乙曰。毋庸復召我。後二日果來召。適有故。不時往。王疑且怒。使人十數輩趣之。至曰。固石膏湯證也。竟如言而效。有士人病咳而青。而其氣哽哽。乙曰。肝乘肺。此逆候。若秋得之。可治。今春不可治。其家所哀。強之與藥。明日曰。吾藥再瀉肝。而不少卻。三補肺而益虛。又加唇白。法當三日死。然安穀者。過期不安。穀者不及期。今尙能粥。居五日而絕。有娠婦得疾。醫言胎且墮。乙曰。娠者五藏傳養。率六旬乃更。能候其月。遍補之。可不墮。已而子母皆得全。又乳婦因大恐而病。病雖愈。目張不得瞑。久不能曉。以問乙。乙曰。養郁李酒飲之。使醉。卽愈。所以然者。目係內連肝膽。恐則氣結。膽衡不下。惟郁李去結。隨酒入膽。結去膽下。目則能瞑矣。如言而效。一日過所善翁。聞兒唬。愕曰。何等兒聲。翁曰。吾家學生二男子也。乙曰。謹視之。過百日乃可保。翁不懌。居月餘。皆斃。乙爲方博達。不名一師。所治種種皆通。非但小兒醫也。于書無不閱。他人斬斬守古。獨度越縱舍。卒與法合。尤邃本草。多識物理。辨正闕誤。人或得異藥。或持疑事。問之。必爲言。

出生本末物色名貌退而考之皆中末年攣痺浸劇其嗜酒喜寒食皆不肯禁自診知不可爲召親戚訣別易衣待盡享年八十二終于家所著書有傷寒論指微五卷嬰孺論百篇一子早世二孫今現爲醫劉跂曰乙非獨其醫可稱也其篤行似儒其奇節似俠術盛行而身隱約又類夫有道者數謂余言曩學六元五運夜宿東平王家嶺觀氣象至逾月不寐今老且死事誠有不在書者肯以三十日暇從我當相授余笑謝弗能是後遂不復言嗚呼斯人也如欲復待之難哉沒後余聞其所治驗尤衆東州人人能言之掇其章章者著之篇異時史家序方術之士其將有攷焉宣和元年劉跂撰

目錄

卷一

- | | | | |
|-------|---------|---------|--------|
| 變蒸論 | 脈法論 | 驚癇發搐論 | 五癩論 |
| 慢驚論 | 急慢驚論 | 心論 | 肝論 |
| 脾胃論 | 肺論 | 腎論 | 別虛實證論 |
| 諸疳論 | 腹中有癖不食論 | 腹脹論 | 黃疸論 |
| 傷風論 | 傷風吐瀉論 | 嘔吐論 | 初生吐不止論 |
| 吐痰涎論 | 欬嗽論 | 風溫潮熱相似論 | 諸汗論 |
| 熱渴論 | 身熱論 | 積痛論 | 心痛論 |
| 蟲痛論 | 胎實論 | 胎肥論 | 胎怯論 |
| 夜啼論 | 驚啼論 | 食乳論 | 顛顛不合論 |
| 龜胸論 | 龜背論 | 行遲論 | 弄舌舒舌論 |
| 齒落不生論 | 目論 | 傷寒瘡疹同異論 | 瘡疹候論 |
| 瘡疥風癬論 | 不治證論 | | |

卷二

搖別真假

發搖順逆

潮熱問難

吐瀉爭功

吐瀉問難

虛實下藥

寒熱相反

補下不同

癖為潮熱

虛實熱證

熱不可下

預說驚疾

溫冷用藥

陰癩壞病

治病有等

用藥識證

病誤用巫

病篤訣

嗽痛決死

蟲痛決死

瘡疹標本

瘡疹有誤

熱傳瘡疹

卷三

地黃丸

當歸散

調中丸

塌氣丸

大青膏

敗毒散

玉露散

異功散

荳蔻散

木瓜丸

香銀丸

藿香散

辰砂丸

麻黃湯

生黃膏

木香丸

胡黃連丸

蘭香丸

白粉散

如聖丸

膽礬丸

青金丹

止汗散

香瓜丸

黃耆散

虎杖散

郁李仁丸

捻頭散

生犀散	三黃丸	大黃圓	龍腦膏
梔鼓飲子	白虎湯	犀角圓	大黃丸
瀉心湯	導赤散	桃枝圓	白餅子
紫霜丸	珍珠丸	消堅丸	鐵粉丸
麝蟾丸	安蟲散	五色丸	鉤藤飲子
荳卷散	龍腦散	迴生散	梓朴散
羌活膏	溫白丸	藟蘗湯	小惺惺丸
金箔丸	蟬花散	安神丸	天南星散
瀉白散	益黃散	瀉黃散	白朮散
瀉青丸	生犀散	秦芄散	地骨皮散
牛黃膏	牛黃丸	銀液丸	鎮心丸
軟金丹	鉤藤膏	魏香散	涼驚丸
剪刀股丸	烏藥散	紫草散	蟬蛻丸
三聖丸	小青丸	小紅丸	小黃丸
編銀丸	百部丸	銀砂丸	溫中丸

二氣散

白附子香連丸

荳蔻香連丸

小香連丸

大胡連丸

麝香丸

大惺惺丸

獨活飲子

三黃散

人參散

檳榔散

黃耆散

地骨皮散

龍骨散

蘭香散

傅齒立效散

胡黃連麝香丸

大蘆會丸

榆仁丸

橘連丸

龍粉丸

二聖丸

沒石子丸

金華散

蚬蛟丸

白玉散

臣等謹按小兒藥證真訣三卷宋大梁閻季忠所編錢乙方論也乙字仲陽東平人官至太醫院丞事跡具宋史方技傳乙在宣和間以巫方氏顛顛經治小兒甚著于時故季忠集其舊法以爲此書上卷論證中卷爲醫案下卷爲方陳振孫書錄解題馬端臨文獻通考並著錄明以來舊本久佚惟雜見諸家醫書中今從永樂大典內掇拾排纂得論證四十七條醫案二十三條方一百一十有四各以類編仍爲三卷又得閻季忠序一篇劉跂所作錢仲陽傳一篇並冠簡端條理秩然幾還其舊疑當時全部收入故無大佚脫也小兒經方于古罕見自乙始別爲專門而其書亦爲幼科之鼻祖後人得其緒論往往有回生之功如六味丸方本後漢張機金匱要略所載崔氏八味丸方乙以爲小兒純陽無煩益火除去肉桂附子二味以爲幼科補劑明薛己承用其方遂爲直補真陰之聖藥

其斟酌通變。動契精微。亦可以槩見矣。閻季忠永樂大典作閻孝忠。然書錄解題及通考皆作季忠。疑永樂大典爲傳寫之訛。今改從諸家作季。劉跂字斯立。東平人。摯之子也。有學易集。別著錄。所撰乙傳。與宋史方技傳略同。蓋宋史卽據此傳爲藍本云。乾隆四十五年十一月恭校上。

總纂官內閣學士臣紀昀

光祿寺卿臣陸錫熊

纂修官翰林院編修臣王嘉曾

小兒藥證真訣卷一

變蒸論

宋 錢 乙 撰

小兒在母腹中。乃生骨氣。五臟六腑。成而未具全。自生之後。卽長骨脈。五臟六腑之神智也。變者。易也。又生變蒸者。自內而長。自下而上。又身熱。故以生之日後三十二日。一變。變每畢。卽情性有異于前。何者。長生腑臟智意故也。何謂三十二日。長骨添精神。人有三百六十五骨。除手足中四十五碎骨外。有三百二十數。自生下骨一日十段。而上之。十日百段。三十二日。計三百二十段。爲一遍。亦曰一蒸。骨之餘氣。自腦分入齦中。作三十二齒。而齒牙有不及三十二數者。由變不足。其常也。或二十八日。卽至長二十八齒。已下做此。但不過三十二之數也。凡一周變。乃發虛熱諸病。如是十周。則小蒸畢也。計三百二十日。生骨氣乃全。而未壯也。故初三十二日。一變。生腎志。六十四日。再變。生膀胱。其發耳與飢冷。腎與膀胱俱生于水。水數一。故先變生。九十六日。三變。生心喜。一百二十八日。四變。生小腸。其發出汗而微驚。心爲火。火數二。一百六十日。五變。生肝哭。一百九十二日。六變。生膽。其發目不閉而赤。肝生木。木數三。二百二十四日。七變。生肺聲。二百五十六日。八變。生大腸。其發膚熱。或汗或不汗。肺者金。金數四。二百八十八日。九變。生脾智。三百二十日。十變。生胃。其發不食。腸痛而吐乳。此後。乃齒生。能言知喜怒。故云始全也。大倉云。氣人四

肢長碎骨于十變後六十四日長其經脈手足手受血故能持物足受血故能行立經云變且蒸謂蒸畢而足一歲之日也師曰不汗而熱者發其汗大吐者微止不可別治是以小兒須變蒸蛻齒者如花之易苗所謂不及三十二齒由變之不及齒當與變日相合也年壯而蛻齒方周

脈法論

脈亂不治氣不和絃急傷食沈虛驚急促風浮冷沈細

驚癇發搐論

驚癇發搐男發搐目左視無聲右視有聲女發搐目右視無聲左視有聲相勝故也更有發時證
早晨發搐因潮熱寅卯辰時身體壯熱上視手足動搖口内生熱涎項頸急此肝旺當補腎治肝也補腎地黃丸治肝瀉青丸主之

日午發搐因潮熱巳午未時發搐心神驚悸目上視白睛赤色牙關緊口內涎手足動搖此心旺也當補肝治心治心導赤散涼驚丸補肝地黃丸主之

日晚發搐因潮熱申酉戌時不甚搐而喘目微斜視身體似熱睡露睛手足冷大便淡黃水是肺旺當補脾治心肝補脾益黃散治肝瀉青丸治心導赤散主之

夜間發搐因潮熱亥子丑時不甚搐而臥不穩身體溫壯目睛緊斜視喉中有痰大便銀褐色乳食不消多睡不省一本云不納津液當補脾治心補脾益黃散治心導赤散涼驚丸主之

傷風後發搐。傷風後得之。口中氣出熱。呵欠頓悶。手足動搖。當發散。大青膏主之。小兒生本怯者。多此病也。

傷食後發搐。傷食後得之。身體溫。多吐多睡。或吐不思飲食。而發搐。當先定搐。搐過。白餅子下之。後服安神丸。百日內發搐。真者不過三兩次必死。假者發頻不為重。真者內生驚癇。假者外傷風冷。蓋血氣未實。不能勝任。乃發搐也。欲知假者。口中氣出熱也。治之可發散。大青膏主之。及用塗額浴體法。法此三卷內

雜病證。赤兼青者。欲發搐。目直而青。身反折強直。生驚。咬牙甚者發驚。

急驚。因聞大聲。或大驚而發搐。發過則如故。此無除也。當下利驚丸主之。下卷只有涼驚丸。無利驚丸。利或涼字之誤。小兒急

驚者。本因熱生于心。身熱面赤。引飲。口中氣熱。大小便黃赤。劇則搐也。蓋熱甚則風生。風屬肝。此陽盛陰虛也。故利驚丸主之。以除其痰熱。不可與巴豆及溫藥。天下之恐蓄虛熱不消也。小兒熱痰客于心胃。因聞聲非常。則動而驚搐矣。若熱極。雖不因聞聲及驚。亦自發搐。

五癇論

凡治五癇。皆隨臟治之。每臟各有一獸。並五色丸。犬癇。反折。上竄。犬叫。肝也。羊癇。目瞪。吐舌。羊叫。心也。牛癇。目直視。腹滿。牛叫。脾也。雞癇。驚跳。反折。手縱。雞叫。肺也。豬癇。如尸。吐沫。豬叫。腎也。五癇重者死。病後甚者亦死。

慢驚論

慢驚因病後或吐瀉脾胃虛損遍身冷口鼻氣出亦冷手足時痲癱昏睡睡露睛此無陽也藪藪湯主之

急慢驚論

凡急慢驚陰陽異證切宜辨而治之急驚合涼瀉慢驚合溫補世間俗方多不分別誤小兒甚多凡小兒傷于風冷病吐瀉醫謂脾虛以溫補之不已復以涼藥治之又不能已謂之本傷風醫亂攻之因脾氣卽虛內不能散外不能解至十餘日其證多睡露睛身溫風在脾胃故大便不聚而爲瀉當去脾胃風風退則利止宣風散主之後用使君子丸補其胃亦有諸吐痢久不差者脾虛生風而成慢驚

心論

見冬火旺心強勝腎當補腎治心輕者病退重者下竄不語腎怯虛也

五臟所主心主驚實則叫哭發熱飲水而搐虛則困臥悸動不安心病多叫哭驚悸手足動搖發熱飲水心熱視其睡口中氣溫或合面睡及上竄咬牙皆心熱也導赤散主之心氣熱則心胸亦熱欲言不能而有就冷之意故合面臥心氣實則氣上下行澀合臥則氣不得通故喜仰臥則氣得上下通也瀉心湯主之原注張潔古錢氏補遺溫中丸亦妙

肝論

肝主風實則目直大叫呵欠項急頓悶虛則咬牙多欠氣熱則外生氣溫則內生

肝熱。手尋衣領。及亂捻物。瀉青丸主之。壯熱。飲水。喘悶。瀉白散主之。

肝有熱。目直視。不搖。得心熱。則搖。肝有風。目連劄。不搖。得心熱。則搖。治肝。瀉青丸。治心。導赤散主之。

肝外生感風。呵欠。頓悶。口中氣熱。當發散。大青膏主之。若能食。飲水不止。當大黃丸。微下之。餘不可下。肝有風甚。身反張。強直。不搖。心不受熱也。當補腎。治肝。補腎。地黃丸。治肝。瀉青丸主之。

凡病或新或久。皆引肝風。風動而上于頭目。目屬肝。風入于目。上下左右。如風吹。不輕不重。兒不能任。故目連劄也。若熱入于目。牽其筋脈。兩眦緊。不能轉視。故目直也。若得心熱。則搖。以其子母俱有實熱。風火相搏。故也。治肝。瀉青丸。治心。導赤散主之。

肝病。秋見。肝強。勝肺。肺怯。不能勝肝。當補脾肺。治肝益脾者。母令子實故也。補脾。益黃散。治肝。瀉青丸主之。

脾胃論

脾主困實。則困睡。身熱。飲水。虛。則吐瀉。生風。脾病。困睡。洩瀉。不思飲食。

脾病見四旁。皆倣此治之。順者易治。逆者難治。脾怯。當面目赤黃。五臟相反。隨證治之。

胃氣不和。面眊白。無精光。口中氣冷。不思食。吐水。當補脾。益黃散主之。胃冷虛。面眊白色。瘦弱。腹痛。不思食。當補脾。益黃散主之。下痢者。調中丸主之。氣不和。口頻撮。當調氣。益黃散主之。食不消。脾胃冷。故不能消化。當補脾。益黃散主之。

虛羸脾胃不和不能食乳致肌瘦亦因大病或吐瀉後脾胃尙弱不能傳化穀氣也有冷者時時下痢唇口青白有熱者溫壯身熱肌肉微黃此冷熱虛羸也冷者木香丸主之夏月不可服如有證則少服之熱者胡黃連丸主之冬月不可服如有證則少服之吐沫及痰或白綠水皆胃虛冷

肺論

肺主喘實則悶亂喘促有飲水者有不飲水者虛則哽氣長出氣肺病悶亂哽氣長出氣氣短喘肺熱手搯眉目鼻面甘桔湯主之肺虛熱唇深紅色治之散肺虛熱少服瀉白散吐稠涎及血皆肺熱久則虛

肺盛復有冷風胸滿短氣氣急喘嗽上氣當先散肺後發散風冷散肺瀉白散大青膏主之

肺臟怯唇白色當補肺阿膠散主之若悶亂氣蘆喘促哽氣者難治肺虛損故也脾肺病久則虛而唇白脾者肺之母也母子皆虛不能相營故名曰怯肺主唇白白而澤者吉白如枯骨者死

肺病見春金旺肺勝肝當瀉肺輕者肺病退重者目淡青必發驚更有赤者當搖爲肝怯當目淡青色也肺病勝肝當補腎肝治肺臟肝怯者受病也補肝腎地黃丸治肺瀉白散主之

腎論

腎主虛無實也惟瘡疹腎實則熱陷腎病無精光畏明體骨重

腎病見夏水勝火腎勝心也當治腎輕者病退重者悸動當搖也

腎虛兒本虛怯。由胎氣不成。則神不足。目中白睛多。其顛卽解。顛開面色晄白。此皆難養。縱長若恣色慾。尋卽亡也。

或有因病而致腎虛者非也。腎氣不足則下竄。蓋骨重惟欲墜下而縮身也。腎水陰也。腎虛則畏明。皆宜補腎。地黃丸主之。

腎怯失音。相似病吐瀉。及大病後。雖有聲而不能言。又能進藥。此非失音。爲腎怯。不能上接于陽故也。當補腎。地黃丸主之。失音乃猝病耳。

別虛實證論

假如肺病。又見肝證。咬牙多呵欠者。易治。肝虛不能勝肺。故也。若目直大叫哭。項急頓悶者。難治。蓋肺久病。則虛冷。肝強實而反勝肺也。視病之新久。虛實。虛則補母。實則瀉子。

凡病先虛或下之合下者。先實其母。然後下之。假令肺虛而痰實。此可下。先當益脾。後方瀉肺也。五臟相勝。輕重。肝臟病見秋木旺。肝強勝肺也。宜補肺瀉肝。輕者肝病退。重者唇白而死。

呵欠面赤者。風熱。呵欠面青者。驚風。呵欠面黃者。脾虛驚。呵欠多睡者。內熱。呵欠氣熱者。傷風。血氣怯爲冷所乘。則唇青。尿深黃色。久則尿血。小便不通。久則脹滿。當利小便。洗浴拭臍不乾。風入作瘡。令兒撮口。甚者。是脾虛。口噤不止。則失音。遲聲亦同。

諸疳論

諸疖疖在內。目腫、腹脹、痢色無常、或沫青白、漸瘦弱。此冷證也。疖在外、鼻下赤爛、自操鼻、頭上瘡、不著痂、漸遠耳生瘡、治鼻瘡爛、蘭香散、諸瘡、白粉散主之。

肝疖、白膜遮睛、當補肝、地黃丸主之。心疖、面黃、頰赤、身壯熱、當補心、安神丸主之。脾疖、體黃、腹大、食泥土、當補脾、益黃散主之。腎疖、極瘦、身有瘡疥、當補腎、地黃丸主之。筋疖、瀉血而瘦、當補肝、地黃丸主之。肺疖、氣喘、口鼻生瘡、當補脾、肺、益黃散主之。骨疖、喜臥冷地、當補腎、地黃丸主之。

諸疖皆依本臟補其母。及與治疖藥。冷則木香丸、熱則胡黃連丸主之。疖皆脾胃病。亡津液之所作也。因大病或吐瀉後。以藥吐下。致脾胃虛弱。亡津液。且小兒病疖。皆愚醫之所壞。假如潮熱。是脾臟虛。一臟實而內發虛熱也。法當補母而瀉本臟則愈。假令日中發潮熱。是心虛熱也。肝爲心母。則宜先補肝。肝實而後瀉心。心得母氣。則內平而潮熱愈也。醫見潮熱。妄謂其實。乃以大黃牙硝輩諸冷藥利之。利既多矣。不能禁約。而津液內亡。卽成疖也。又有病癖。其發作寒熱飲水。脅下有形硬痛。治癖之法。當漸消磨。醫反以巴豆礪砂輩下之。小兒易虛易實。下之既過。胃中津液耗損。漸令疖瘦。又有病傷寒五六日。間有下證。以冷藥下之太過。致脾胃津液少。既使引飲不止而生熱也。熱氣內耗。肌肉外消。他邪相干。證變諸端。因亦成疖。又有吐瀉久病。或醫妄下之。其虛益甚。津液燥損。亦能成疖。又有肥疖。卽脾疖也。身瘦黃。皮乾而有瘡疥。其候不一。種種異端。今略舉綱紀。目澀。或生白膜。唇赤。身黃乾。或黑。喜臥冷地。或食泥土。身有瘡疥。瀉青白黃沫水。痢色變易。腹滿。身耳鼻皆有瘡。髮鬢作穗。頭大項細。極瘦。飲水。皆其證也。大抵疖病當辨。

冷熱肥瘦。其初病者爲肥熱疳。久病者爲瘦冷疳。冷者木香丸。熱者黃連丸。主之。冷熱之疳。尤宜如聖丸。故小兒之臟腑柔弱。不可痛擊。大下必亡津液而成疳。凡有可下。量其大小虛實而下之。則不至爲疳也。初病津液少者。當生胃之津液。白朮散主之。唯多則妙。

腹中有癖不食論

腹中有癖不食。但飲乳是也。當漸用白餅子下之。小兒病癖。由乳食不消。伏在腹中。乍涼乍熱。飲水或嘔。嗽與潮熱相類。不早治。必成疳。以其有癖。則令兒不食。致脾胃虛而發熱。故飲水過多。卽蕩滌脾胃。亡失津液。脾胃不能傳化水穀。其脈沈細。益不食。脾胃虛衰。四肢不舉。諸邪遂生。羸瘦而成疳矣。餘見疳門。

腹脹論

虛實腹脹。腹脹由脾胃虛。氣攻作也。實者悶亂喘滿。可下之。用紫霜丸。白餅子。不喘者虛也。不可下。若誤下。致脾虛。氣上附而行。肺與脾子母皆虛。肺主目胞。脾主四肢。母氣虛甚。卽目胞臃腫也。色黃者。屬脾也。治之用塌氣丸。漸消之。未愈。漸加丸數。不可以丁香、木香、橘皮、荳蔻。大溫散藥治之。何以然。脾虛氣未出。腹脹而不喘。可以散藥治之。使上下分消其氣。則愈也。若虛氣已出。附肺而行。卽脾胃內弱。每生虛氣。入于四肢面目矣。小兒易爲虛實。脾虛不受寒溫。服寒則生冷。服溫則生熱。當識此。勿誤也。胃久虛。熱多生疔病。或引飲不止。脾虛不能勝腎。隨肺之氣上行于四肢。若水狀。腎氣浸浮于肺。卽大喘也。此當服塌氣丸。病愈後。面未紅者。虛衰未復故也。治腹脹者。譬如行兵。戰寇于林。寇未出林。以兵攻之。必可獲。

寇若出林不可急攻。攻必有失。當以意漸收之。卽順也。

治虛腹脹。先服場氣丸。不愈。腹中有食積結糞。小便黃。時微喘。脈伏而實。時飲水。能食者可下之。蓋脾初虛。而後結有積。所治宜先補脾。後下之。下後又補脾。卽愈也。補肺恐生虛喘。

黃疸論

黃柑似身皮。目皆黃者。黃病也。身痛體背強。大小便澀。一身皆黃。面目指爪皆黃。小便如屋塵色。着物皆黃。渴者難治。此黃疸也。二證多病于大病後。別有一證。生下百日及半年。不因病後。身微黃者。胃熱。大人亦同。又有面黃腹大。食土渴者。脾疸也。又有自生而身黃者。胎疸也。古書云。諸疸皆熱。色深黃者是也。若淡黃兼白者。胃怯。胃不和也。

傷風論

傷風貪睡。口中氣熱。呵欠頓悶。當發散。與大青膏解不散。有下證。當下。大黃丸主之。大飲水不止而善食者。可微下。餘不可下也。

傷風手足冷。脾臟怯也。當和脾。後發散。和解。益黃散。發散。大青膏主之。

傷風自痢。脾臟虛怯也。當補脾。益黃散。發散。大青膏主之。未差。調中丸主之。有下證。大黃丸主之。後服溫驚丸。

傷風腹脹。脾臟虛也。當補脾。必不喘。後發散。仍補脾也。去脹。場氣丸主之。發散。大青膏主之。

傷風兼臟兼心則驚悸兼肺則悶亂喘急。哽氣長出氣嗽兼腎則畏明各隨補母臟虛見故也。傷風下後餘熱以藥下之太過胃中虛熱飲水無力也。當生胃中津液多服白朮散。

傷風吐瀉論

傷風吐瀉身溫乍涼乍熱睡多氣麤大便黃白色嘔吐乳食不消時欬嗽更有五臟兼見證當煎入臟君臣藥先服大青膏後服益黃散如先曾下或無下證慎不可下也此乃脾肺受寒不能入食也。

傷風吐瀉身熱多睡能食乳飲水不止吐痰大便黃水此爲胃虛熱渴吐瀉也。當生胃中津液以止其渴。止後用發散藥止渴多服白朮散發散大青膏主之。

傷風吐瀉身涼吐沫瀉青白色悶亂不渴哽氣長出氣睡露睛此傷風荏苒輕怯因成吐瀉當補脾後發散補脾益黃散發散大青膏主之此二證多病于春秋也。

夏秋吐瀉五月夏至以後吐瀉身壯熱此熱也小兒臟腑十分中九分熱也或因傷熱乳食吐瀉不消瀉深黃色玉露散主之。

六月大暑以後吐瀉身溫似熱臟腑六分熱四分冷也吐嘔乳食不消瀉黃白色似瀉或食乳或不食乳食前少服益黃散食後多服玉露散。

七月立秋以後吐瀉身溫涼三分熱七分冷也不能食乳多似睡悶亂哽氣長出氣睡露睛唇白多噦欲大便不渴食前多服益黃散食後少服玉露散。

八月秋分以後吐瀉身冷無陽也不能食乳乾噦瀉青褐水當補脾益黃散主之不可下也。

嘔吐論

吐乳瀉黃傷熱乳也吐乳瀉青傷冷乳也皆當下。

吐瀉昏睡露睛者胃虛熱吐瀉昏睡不露睛者胃實熱吐瀉乳不化傷食也下之瀉黃紅赤黑皆熱赤亦毒瀉青白穀不化胃冷。

初生吐不止論

凡小兒初生下拭掠兒口中穢惡不盡嚥入喉中故吐木瓜丸主之凡初生急須拭掠口中令淨若啼聲一發則嚥下多生諸病。

初生三日內吐瀉壯熱不思乳食大便乳食不消或白色是傷食當下之後和胃下用白餅子和胃用益黃散主之。

初生三日以上至十日吐瀉身溫涼不思乳食大便青白色乳食不消此上實下虛也更有兼見證肺睡露睛喘氣心驚悸飲水脾困倦饒睡肝呵欠頓悶腎不語畏明當瀉見兒兼臟補脾益黃散主之此二證多病于秋夏也。

吐痰涎論

凡吐痰涎熱者下之冷者溫之。

咳嗽論

夫咳者肺感微寒。八九月間。肺氣大旺。病嗽者。其病必實。非久病也。其證。面赤。痰盛。身熱。法當以葶藶丸下之。若久者不可下也。十一月十二月嗽者。乃傷風也。風從背脊第三椎肺俞穴入也。當以麻黃湯汗之。有熱證。面赤。飲水。涎熱。咽喉不利者。宜兼甘桔湯治之。若五七日間。其證。身熱。痰盛。睡黏者。以褊銀丸下之。有肺盛者。咳而後喘。面腫。欲飲水。有不飲水者。其身即熱。以瀉白散瀉之。若傷風咳嗽五七日。無熱證。而但嗽者。亦葶藶丸主之。後用化痰藥。有肺虛者。咳而哽氣。時時長出氣。喉中有聲。此久病也。以阿膠散補之。痰盛者。先實脾。後以褊銀丸微下之。涎退。即補肺。如上法。有嗽而吐水。或青綠水者。以百祥丸下之。有嗽而吐痰涎乳食者。以白餅子下之。有嗽而咯膿血者。乃肺熱。食後服甘桔湯。久嗽者。肺亡津液。阿膠散補之。咳而痰實。不甚喘。而面赤。時飲水者。可褊銀丸下之。治嗽大法。盛即下之。久即補之。更量虛實。以意增損。

風溫潮熱相似論

風溫潮熱壯熱相似。潮熱者。時發時退。過時即退。來日依時發熱。此欲發驚也。壯熱者。一向熱而不已。甚則發驚癇也。風熱者。身熱。而口中氣熱。有風證。溫壯者。但溫而不熱也。治小兒壯熱。昏睡。傷風風熱。瘡疹。傷食。皆相似。未能辨認。間服升麻。葛根湯。惺惺散。小柴胡湯。甚驗。蓋此四藥。通治之。不致誤也。惟傷食。則大便酸臭。不消化。畏食。或吐食。宜以藥下之。

諸汗論

喜汗厚衣臥而額汗出也。止汗散主之。

盜汗睡而自汗出。肌肉虛也。止汗散主之。遍身汗。香瓜丸主之。

六陽虛汗。上至頭。下至項。不過腦也。不須治之。

胃怯汗。上至頂。下至臍。此胃虛。當補胃。益黃散主之。

熱渴論

或洩瀉等諸病。煩渴者。皆津液內耗也。不問陰陽。宜煎白朮散。使滿意。取足飲之。彌多彌好。

身熱論

身熱不飲水者。熱在外。身熱飲水者。熱在內。

熱證疎利。或解化後。無虛證。勿溫補。熱必隨生。

積痛論

積痛。口中氣溫。面黃白。目無精光。或白睛多。及多睡。畏食。或大便酸臭者。當磨積。宜消積丸。醫下卷有消積丸。甚者。當用白餅子下之。後和胃。和胃。白朮散。

心痛論

心痛不吐水者冷。心痛吐水。不心痛者。胃冷病。心痛吐水者。蟲病。

蟲痛論 虛實附

面皸白、心腹痛、口中沫、及清水出、發痛有時、安蟲散主之。小兒本怯者多此病。積痛、食痛、虛痛、大同小異。惟蟲痛者、當口淡而沫自出、治之、隨其證用藥。口中吐沫水者、後必蟲痛。蟲與癩相似、小兒本怯、故胃虛冷、則蟲動而心痛、與癩略相似、但目不斜、手不搖也。安蟲散主之。

胎熱論

胎熱、生下有血氣、時叫哭、身壯熱如瀆茶色、目赤、小便赤黃、糞稠、急食乳、浴體法主之。更別父母肥瘦、肥不可生瘦、瘦不可生肥也。

胎熱、面紅、目黑睛多者喜笑。

胎肥論

胎肥、生下肌肉厚、遍身血色紅、滿月以後、漸漸肌瘦、目白、睛粉紅色、五心熱、大便難、時時生涎、浴體法主之。

胎怯論

胎怯、面黃、目黑睛少、白睛多者、多哭。

胎怯、生下面色無精光、肌肉薄、大便白水、身無血色、時時哽氣、多噦、目無精采、當浴體法主之。

夜啼論

夜啼脾臟冷兒痛也當以溫中藥及以法禳之花火膏主之。

驚啼論

驚啼邪熱乘心也安心定神丸主之。醫下卷有安神丸無安心定神丸。

食乳論

大喜後食乳食多成驚哭後食乳多成吐瀉。

急欲乳不能食由客風熱入兒臍流入心脾經即舌厚唇燥口不能乳當涼心脾。

顛顛不合論

解顛生下而顛不合腎氣不成也長必少笑更有目白睛多眦白色瘦者多愁少喜也。

龜胸論

龜胸肺熱脹滿攻于胸膈即成龜胸又乳母多食五辛亦成也。

龜背論

兒生下客風入脊逐于骨髓即成龜背治之以龜尿點骨節取尿之法當蓮葉安龜在上後用鏡照之自

尿出以物盛之。

行遲論

長大不行行則脚細。醫此下有脫文。

弄舌舒舌論

弄舌脾臟微熱令舌絡微緊時時舒舌治之勿用冷藥及下之當少與瀉黃散服之亦或飲水醫疑為熱必冷藥下之非也飲水者脾胃虛津液少也又加面黃肌瘦五心煩熱即為疳瘦宜加胡黃連丸輩大病未已用藥弄舌者凶

齒落不生論

齒落不生齒生不固醫此下有脫文

目論

目內證赤者心熱導赤散主之淡紅者心虛熱生犀散主之青者肝熱瀉青丸主之淺淡者補之黃者脾熱瀉黃散主之無精光者腎虛地黃丸主之

傷寒瘡疹同異論

論傷寒瘡疹同異云傷寒男體重面黃女面赤喘急憎寒及口中氣熱呵欠煩悶項急也瘡疹則腮赤燥多噴嚏悸動昏倦四肢冷傷寒當發散瘡疹當溫平有大熱者解毒海藏云發散者神朮湯之類溫平者之類活人鼠黏子湯是也與潔古老人解毒防風湯相兼選用解毒者三黃湯金花丸之類

瘡疹候論

面燥腮赤目疱亦赤呵欠煩悶乍涼乍熱咳嗽噴嚏手足積冷夜臥驚悸多睡並瘡疹證此天行之病也

惟用溫涼治之不可妄下及妄攻發此辛涼調之也。海藏云肝藏水疱色或青脾藏膿疱色或白脾藏疹子癍或一色或三色相合而病或作次第惟斑疹病後發或癩餘瘡難發癩矣木勝脾木歸心故也若涼大小不等九日之內三出之亦無定也。惟斑疹病後發或癩餘瘡難發癩矣木勝脾木歸心故也若涼驚用涼驚丸溫驚用粉紅丸白粉丸無粉紅丸小兒在胎十月食五臟血穢生下則其毒當出故瘡疹之狀皆五臟之液肝主淚肺主涕心主血脾爲裏血其瘡出有五名肝爲水疱以淚出如水其色青小肺爲膿疱以涕稠濁色白而大心爲斑主心血色赤而小次于水疱脾爲疹小次斑瘡其主裏血故色赤黃淺也涕淚出多故膿疱水疱皆大血榮于內所出不多故斑疹皆小也病疱者淚涕俱少譬如疱中容水去則瘦故也

始發潮熱三日以上熱運入皮膚卽發瘡疹而不甚多者熱留膚腠之間故也潮熱隨臟出如早食潮熱不已爲水疱之類也

瘡疹始出之時五臟證見惟腎無候但見平證耳尻涼耳涼是也尻耳俱屬于腎其居北方主冷也若瘡黑陷而耳尻反熱者爲逆若用百祥丸牛李膏三服不愈者死病也

凡瘡疹若出辨視輕重若一發使出盡者必重也瘡夾疹者半輕半重也出稀者輕裏外微紅者輕外黑裏赤者微重也外白裏黑者大重也瘡端裏黑點如針孔者勢劇也青乾紫陷昏睡汗出不止煩燥熱溫腹脹啼喘大小便不通者困也

凡瘡疹當乳母慎口不可令飢及當風冷必歸腎而變黑難治也。海藏云或熱極反兼水化者亦能變黑當以涼藥主之不可不察以脈別之可

也。或有出色正者。內素有熱。頭反陷。色或青。或灰。或黑。中有針眼。下更有大熱者。當利小便。有小熱者。宜解。陷當急以涼藥疎之。便結者。大黃。牽牛之類。便軟者。金花丸之類。更有大熱者。當利小便。有小熱者。宜解。毒若黑紫乾陷者。百祥丸下之。不黑者。慎勿下。更有時。月輕重。大抵瘡疹屬陽。出則爲順。故春夏病爲順。秋冬病爲逆。冬月腎旺。又盛寒。病多歸腎變黑。又當辨春膿疱。夏黑陷。秋斑。子冬疹。子亦不順也。重者。十治四五。黑者無問何時。十難救其一。二其候。或寒戰。噤牙。或身黃腫紫。宜以百祥丸下之。復惡寒不已。身冷出汗。耳尻反熱者。死病也。何以然。腎氣大旺。脾虛不能治故也。下後。身熱氣溫。欲飲水者可治。以脾主勝。腎寒去而溫熱也。治之當解毒。不可妄下。妄下則內虛。多歸于腎。若能食而痲頭焦起。或未焦而喘實者。可下之。身熱煩渴。腹滿而喘。大小便澀。面赤。悶亂。大吐者。當利小便。不差者。宜風散下之。若五七日。痲不焦。是內發熱。熱氣蒸于皮膚中。故瘡不得焦。痲也。宜宣風散導之。用生犀磨汁解之。使熱不生。必著痲矣。

瘡疹由內相勝也。惟斑疹能作瘡。疹爲脾所生。脾虛而肝旺乘之。木來勝土。熱氣相擊。動于心神。心喜爲熱。神氣不安。因搖成痲。斑子爲心所生。心生熱。熱則生風。風屬于肝。二臟相搏。風火相爭。故發瘡也。治之當瀉心肝。補其母。栝蘘根湯主之。

瘡黑而忽瀉。便膿血。并痲皮者。順水穀不消者。逆。何以然。且瘡黑屬腎。脾氣本強。或舊服補脾藥。脾氣得實。腎雖用事。脾可制之。今瘡入腹。爲膿血。及連痲皮得出。是脾強腎退。卽病出而安也。米穀反瀉。乳不化者。是脾虛不能制腎。自洩也。此必難治。海藏云。瀉出痲皮根在內也。表裏俱病。是爲大疾。水穀化者。順水穀不化者。逆也。鄭端友辨證。錢氏謹按。錢氏論瘡痘證。惟用溫涼。

藥不可妄吐下及攻發。又云寒顛噤牙，身黃紫腫，急以百祥丸下之。又身熱煩渴腹滿而喘，大小便澀，面赤悶亂，大吐，當利小便，不差，宜風散下之。此皆瘡痘盛出之證。先發膿疱，後發水疱，多者順，少者逆。先水疱，後斑子，多者逆，少者順。先疹子，後斑子者順。凡瘡疹只出一般者善。海藏云：此一出者，諸臟相合而不齊也。用藥亦難矣。雜證又云：先發膿疱，後發斑子者逆；先發膿疱，後發疹子者順；先發水疱，後發疹子者逆。海藏云：前斷例五色各隨五臟，亦有二色相合，或有三色，即無定也。與此前後膿水斑疹大小不同，先後順逆大意相若。

瘡疥風癬論

夫小兒瘡疥風癬，可用雄黃散加芒硝少許，油調傅之。如面上有瘡癬，不宜搽藥，恐因而入眼，則損目必矣。

不治證論

目赤脈貫瞳人。腦腫及陷。鼻乾黑。魚口氣急。吐蟲不定。瀉不定。精神好。大渴不定。止之又渴。吹鼻不噴。病重口乾不睡。時氣唇上青黑點。頰深赤如塗臙脂。鼻開張喘急不定。

小兒藥證真訣卷二

搖別真假

李司戶孫病生百日發搖三五次請衆醫治或作天弔或作胎驚或作驚癇皆無應者後錢氏用大青膏如小豆許作一服發之復與塗顛法封之及浴法三日而愈何以然嬰兒初生肌骨嫩怯被風傷之子不能任故發搖頻發者輕何者客風在內每遇不任卽搖搖稀者是內臟發病不可救也頻搖者宜散風冷故用大青膏但不可多兒至小易虛易實多卽生熱止一服而已更當封浴無不效者

發搖順逆

李寺丞子三歲病搖自卯至巳數醫不治召錢氏視之搖目右視大叫哭李曰何以搖右錢曰逆也李曰何以逆曰男爲陽而本發左女爲陰而本發右若男發搖時目左視無聲右視有聲女發搖時右視無聲左視有聲所以然者左肝右肺肝木肺金男目右視肺勝肝也金來刑木二臟相戰故有聲也治之瀉其強而補其弱心實者亦當瀉之肺虛不可瀉肺虛之候悶亂哽氣長出氣此病男反女故男易治于女也假令女發搖目左視肺之勝肝又病在秋卽肺兼旺位肝不爲任故叫哭當大瀉其肺然後治心續肝所以俱言目反右視者乃肝主目也凡搖者風熱相搏于內風屬肝故引見之于目也錢用瀉肺湯瀉之二日不悶亂當知肺病退後用地黃丸補腎三服後用瀉青丸涼驚丸各二服凡用瀉心肝藥五日方愈不

妄治也。又言肺虛不大瀉者何也。曰：設令男目右視，木反尅金，肝旺勝肺，而但瀉肝，若更病在春夏，金氣極虛，故當補其肺，慎勿瀉也。

潮熱問難

皇都徐氏子三歲，病潮熱，每日西則發，搯身微熱，而目微斜，及露睛，四肢冷，而喘，大便微黃。錢與李醫同治。錢問李曰：病何搯？李曰：有風，何身熱微溫？曰：四肢所作，何目斜睛露？曰：搯則目斜，何肢冷？曰：冷必內熱。曰：何喘？曰：搯之甚也。曰：何以治之？曰：凡鼻中灌之，必搯止。錢又問曰：既謂風病溫壯，搯引目斜露睛，內熱肢冷，及搯甚而喘，併以何藥治之？李曰：皆此藥也。錢曰：不然，搯者肝實也，故令搯。日西而身微熱者，肺潮熱用事，肺主身溫，且熱者爲肺虛，所以目微斜露睛者，肝肺相勝也。肢冷者脾虛也，肺若虛甚，母脾亦弱，木氣乘脾，四肢卽冷。治之當先用益黃散、阿膠散，得脾虛證退後，以瀉青丸、導赤散、涼驚丸治之，九日愈。

吐瀉爭功

廣親北宅四大王宮五太尉病吐瀉不止，米穀不化。衆醫用補藥，言用薑汁調服之。六月中服溫藥，一日而加喘吐不定。錢曰：當以涼藥治之，所以然者，謂傷熱在內也。用石膏湯三服，併服之。衆醫皆言吐瀉多而米穀又不化，當補脾，何以用涼藥？王信衆醫，又用補脾散、丁香散三服。錢後至，曰：不可服此。三日外必腹滿身熱，飲水吐逆。三日外一如所言，所以然者，謂六月熱甚，伏入腹中，而令引飲，熱傷脾胃，卽大吐瀉。他醫又行溫藥，卽上焦亦熱，故喘而引飲。三日當死，衆醫不能治。復召錢，至宮中見有熱證，以白虎湯三

服更以白餅子下之一日減藥二分二日三日又與白虎湯各二服四日用石膏湯一服旋新合麥門冬黃芩腦子牛黃天竺黃茯苓以朱砂爲衣與五丸竹葉湯化下熱退而安。

吐瀉問難

廣親宮七太尉七歲病吐瀉是時七月其證全不食而昏睡睡覺悶亂哽氣乾嘔大便或有或無不渴衆醫作驚治之疑睡故也錢曰先補脾後退熱與使君子丸補脾退熱石膏湯次日以水銀硫黃二物末之生薑水調下一字錢曰凡吐瀉五月內九分下而一分補八月內十分補而一分下此是脾虛瀉醫妄治之至于虛損下之卽死當只補脾若以使君子丸卽緩錢又留溫胃益脾藥止之醫者李生曰何食而噦錢曰脾虛不能食津少卽嘔逆何瀉青水曰腸胃至虛冷極故也錢治而愈。

虛實下藥

馮承務子五歲吐瀉壯熱不思食錢氏乃曰目中黑睛少白睛多面色眇白此子必多病面色眇白神怯也黑睛少腎虛也黑睛屬水本怯而虛故多病也縱長成必肌膚不壯不耐寒暑易虛易實脾胃亦怯更不可縱酒恣慾若不保養不過壯年面上常無精神光澤如婦人之失血也今吐痢不食壯熱者傷食也不可下下之虛入肺則嗽入心則驚入脾則瀉入腎則益虛此但以消積丸磨之爲微有食也如傷食甚則可下不下則成癖也實食在內乃可下之下畢補脾必愈隨其虛實無不效者。

寒熱相反

京東轉運使李公孫八歲病嗽而胸滿短氣醫者言肺經有熱用竹葉湯牛黃膏各二服治之三日加喘錢氏曰此肺氣不足復有寒邪即使喘滿當補肺脾勿服涼藥李曰醫已用竹葉湯牛黃膏錢曰何治也醫曰退熱退涎錢曰何熱所作曰肺經熱而生嗽嗽久不除生涎錢曰本虛而風寒所作何熱也若作肺熱何不治其肺而反調心蓋竹葉湯牛黃膏治心藥也醫有慙色錢治愈

補下不同

段齋郎子四歲病嗽身熱吐痰數日而咯血醫以桔梗湯及防已丸治之不愈其痰上攻吐喘不止請錢氏下漏銀丸一大服復以補肺散補脾散治之今段氏咯血肺虛何以下之曰肺雖咯血有熱故也久即虛痿令涎上潮而吐當下其涎若使不吐涎爲甚便也蓋吐涎能虛又生驚也痰實上攻亦使發搐故依法只宜下痰後補脾肺必涎上而吐愈若先補其肺爲逆先下其痰爲順先下後補爲良也

癖爲潮熱

曹宣德子三歲面黃時發寒熱不欲食而飲水及乳不止衆醫以爲潮熱用牛黃丸麝香丸不愈及以止渴乾葛散服之反吐錢氏曰當下白餅子主之後補脾乃以消積丸磨之此癖也後果愈何以故不食但飲水者食伏腕內不能消致令發寒服止渴藥吐者藥衝脾故也下之即愈

虛實熱證

朱監簿子五歲忽發熱醫曰此心熱也腮赤而唇紅煩躁引飲遂用牛黃丸三服以一物瀉心湯下之來

日不愈。反加無力而不能食。又下之。便痢黃沫。錢曰。心驚虛。而有留熱在內。必被涼藥下之。致此虛勞之病也。錢先用白朮散。生胃中津。後以生犀散治之。朱曰。大便黃沫如何。曰。胃氣正。卽瀉自止。此虛熱也。朱曰。醫用瀉心湯如何。錢曰。瀉心湯者。黃連一物耳。黃連性寒。多服則痢。內傷脾胃也。坐久。衆醫至。曰。實熱。錢曰。虛熱。若實熱。何以瀉心湯下之不安。又加面黃頰赤。五心煩躁。不食而引飲。醫曰。既虛熱。何大便黃沫。錢笑曰。黃沫。服瀉心湯多故也。錢後與胡黃連丸治之。愈。

熱不可下

朱監簿子。五歲。夜發熱。曉卽如故。衆醫有作傷寒者。有作熱者。以涼藥解之。不愈。其候多涎而喜睡。他醫以牛黃圓下涎。其病益甚。至五日。大引飲。錢氏曰。不可下之。乃取白朮散末一兩。煎藥汁三升。使任其意。取足服。朱曰。飲多不作瀉否。錢曰。無生水不能作瀉。縱瀉不足怪也。但不可下耳。朱曰。先治何病。錢曰。止瀉。治痰。退熱。清神。其藥至晚服盡。錢氏曰。更可服三升。又煎白朮散三升。服盡。得稍減。三日。又服白朮散三升。其子不渴無涎。又投阿膠散。二服而安。

預說驚疾

廣親宅七太尉。方七歲。潮熱數日。欲愈。錢謂其父。二大王曰。七使潮熱將安。八使預防驚搐。王怒曰。但使七使愈。勿言八使病。錢曰。八使過來。日午間。卽吾苦也。次日。午前果作急搐。召錢治之。三日而愈。蓋預見。目直視而頰赤。必肝心俱熱。更坐石杌子。乃欲冷。此熱甚也。肌膚素肥盛。脈又急促。故必驚搐。所言午時。

者自寅至午皆心肝所用事時治之瀉心肝補腎自安矣。

溫冷用藥

東郡張氏孫九歲病肺熱他醫以珠犀龍麝生牛黃治之一月不愈其證嗽喘悶亂飲水不止食不能入錢氏用使君子丸益黃散張曰本有熱何以又行溫藥他醫用涼藥攻之一月尚無效錢曰涼藥久則胃寒不能食小兒虛不能食當補脾候飲食如故即瀉肺經病愈矣服補脾藥二日其子欲飲食錢以瀉白散瀉肺遂愈七分張曰何以不虛錢曰先實其脾然後瀉肺故不虛也。

陰癩壞病

東郡王氏子吐瀉諸醫用藥下之至虛變慢驚其候睡露睛手足癱瘓而身冷錢曰此慢驚也與藟藟湯其子胃氣實即開目而身溫王疑其子不大小便令諸醫以藥利之醫留八正散等數服不利而身復冷令錢氏利之錢曰不當利利之必身冷王曰已身冷矣因抱出錢曰不能食而胃中虛若利大小便即死久即脾腎俱虛當身冷而閉目幸胎氣實而難衰也錢用益黃散使君子丸四服令微飲至日午果能飲食所以然者謂利大小便脾胃虛寒當補脾不可攻也後又不語諸醫作失音治之錢曰既失音何開目而能飲食又牙不噤而口不緊也諸醫不能曉錢以地黃丸補腎所以然者用涼藥利小便致脾腎俱虛今脾已實腎尚虛故補腎必安治之半月而能言一月而痊也。

治病有等

張氏三子病。大者汗遍身。次者上至頂。下至胸。小者但額有汗。衆醫以麥煎散治之。不愈。錢氏曰。大者與香瓜丸。次者與益脾散。小者與石膏湯。各五日而愈。

用藥識證

鄭人齊郎中者。家好收藥散。施人。其子忽臟熱。齊自取青金膏。三服併一服而餌之。服畢。至三更瀉五行。其子困睡。齊言睡多亦驚。又與青金膏一服。又瀉二行。加口乾而身熱。齊言尙有微熱未盡。又與青金膏。其妻曰。用藥十餘行。未安。莫生病否。召錢氏。曰。已成虛羸。先多煎白朮散。時時服之。後用香瓜丸。十三日愈。

病誤用巫

王駙馬子。五歲。病日直視而不食。或言有神祟所使。請巫師祝神燒紙。病不愈。召錢至。曰。臟腑之疾。何用求神。錢與瀉肝丸。愈。

病篤訣

黃承務子。二歲。病瀉。衆醫止轉十餘日。其證使青白。乳物不消。身涼。加噎氣昏睡。醫謂病因篤。錢氏先以益脾散三服。補肺散三服。三日身溫而不噎氣。後以白餅子微下之。又與益脾散三服。痢止。何以然。痢本脾虛傷食。初不與大下。措置十日。上實下虛。脾氣弱。引肺亦虛。補脾肺。病退。卽身溫不噎氣。是也。有所傷食。仍下之也。何不先下。後補。曰。使青爲下。臟冷。先下。必大虛。先實脾肺。下之。則不虛。而後更補之也。

嗽痛決死

東都藥鋪杜氏有子五歲。自十一月病嗽。至三月未止。始得嗽而吐痰。乃外風寒搐入肺經。令肺病。嗽而吐痰。風在肺中故也。宜以麻黃散發散。後用涼藥壓之。卽愈。時醫與鐵粉丸。半夏丸。褊銀丸。諸法下之。其肺卽虛。而嗽甚。至春三月間尙未愈。召錢氏視之。其候面青而光。嗽而喘促。哽氣。又時長出氣。錢曰。病困十已八九。所以然者。面青而光。肝氣旺也。春三月。肝位衰之時也。嗽者肺之病。肺自十一月至三月。久卽虛痿。又曾下之。脾肺子母也。復爲肝所勝。此爲逆也。故嗽而喘促。哽氣。長出氣也。錢急與瀉青丸散之。後與阿膠散實肺。次日面青而不光。錢又補肺。而嗽如前。錢又瀉肝。瀉肝未已。又加肺虛。唇白如練。錢曰。此病必死。不可治也。何者。肝大旺。而肺虛絕。肺病不得其時。而肝勝之。今三瀉肝。而肝病不退。三補肺。而肺證猶虛。此不久生。故言死也。此證病于秋者十救三四。春夏者十難救一。果大喘而死。

蟲痛決死

辛氏女。年五歲。病蟲痛。諸醫以巴漆礪砂之屬治之。不效。至三日外。多哭而仰臥。自按心腹。時大叫。面色或青或黃或白。睛無光而慢。唇白吐沫。至五日胸高而臥不安。錢詳而視之。用蕪荑散三服。見日不除。青色。錢氏曰。此病大困。若更加瀉。則爲逆。至次日。錢見辛曰。夜來三更而瀉。錢于瀉盆中。看如藥汁。以杖攪之。見有藥丸。錢曰。此子肌厚。當氣實。今證反虛。不可治也。何以然。師曰。脾虛胃冷。則蟲動。今反日青。此肝乘脾。又脾加瀉。知其氣極虛也。而丸藥隨糞下。卽脾胃已脫。兼形病不相應。故知死病。七日而死。

瘡疹標本

睦親宅十太尉病瘡疹。衆醫治之。王曰：疹未出，屬何臟腑？一醫言胃氣熱，一醫言傷寒不退，一醫言在母腹中有毒。錢氏曰：若言胃熱，何以乍涼乍熱？若言母腹中有毒，屬何臟也？醫曰：在脾胃。錢氏曰：既在脾胃，何以驚悸？醫曰云云錢曰：夫胎在腹中，月至六七，則已成形。食母穢液，入兒五臟，食至十月，滿胃脘中。至生之時，口有不潔，產母以手拭淨，則無疾病。俗以黃連汁壓之，方下臍糞及涎穢也。此亦母之不潔餘氣入見臟中，本先因微寒入而成瘡疹，未出五臟皆見病證。內一臟受穢多者，乃出瘡疹。初欲病時，先呵欠煩悶驚悸，乍涼乍熱，手足冷，面腮赤燥，咳嗽時嚏。此五臟證具也。呵欠煩悶，肝也；時發驚悸，心也；乍涼乍熱，手足冷，脾也；面目腮頰赤，嗽嚏，肺也；惟腎無候，以在腑下，不能食穢，故也。凡瘡疹乃五臟毒，若出歸一證，則肝水疱，肺膿疱，心斑，脾疹，惟腎不食毒穢，而無諸證。瘡黑者屬腎，由不慎風冷而不飽，內虛也。又用抱龍丸數服，愈以其別無他候，故未發出，則現五臟證。已出則歸一臟也。海藏云：本先因微寒入一句，一句忽認作寒證，當識用抱龍丸，即知瘡疹多熱也。瘡疹未出，五臟皆見，內一臟受穢多者，乃出此一句，亦可以預知何臟，以脈別之，則知何臟，或斑或疹，其名可得。

瘡疹有悞

睦親宅一大王病瘡疹，始用一李醫，又召錢氏。錢留抱龍丸三服，李以藥下之，其疹稠密。錢見大驚，曰：若非轉下，則爲逆病。王曰：李已用藥下之。錢曰：瘡疹始出，未有他證，不可下也。但當用平和藥，頓與乳食，不受風冷可也。如瘡疹三月不出，或出不快，即微發之，發之不出，即加藥，加藥不出，即大發之，如大發後不

出及脈平無證者。卽瘡本稀。不可更發也。有大熱則當利小便。小熱當解毒。若出快。勿發。勿下。故止用抱龍丸治之。瘡痂若起。能食者。大黃丸下之。瀉一二行卽止。今先下一日。瘡疹未能出盡。而稠密甚。則難治。此誤也。縱得安。其病有三。一者疥。二者癰。三者目赤。李不能治。經三日黑陷。復召錢氏。錢氏曰。幸不發寒。而病未困也。遂用百祥丸爲藥。以牛李膏爲助。各一大服。至五日間。瘡復紅活。七日而愈。蓋黑者歸腎也。腎旺勝脾。土不尅水。因脾虛寒。戰則難治。所用百祥丸。春以瀉膀胱之腑。若不實。臟自不勝也。何以不瀉。腎曰。腎主虛不受瀉。故三服不效。卽加寒而死。

熱傳瘡疹

四大王宮五太尉。因墜鞦韆。發驚搐。醫以發熱藥治之。不愈。錢曰。本急驚。後生大熱。當先退其熱。以大黃丸。玉露散。惺惺丸。加以牛黃龍麝。解之不愈。至三日。肌膚尙熱。錢曰。更二日不愈。必發斑疹。蓋熱不能出也。他醫初用藥發散入表。表熱而斑生。本初驚時。當用利驚藥。下之。今發散。乃逆也。後二日果斑出。以必勝散治之。七日而愈。鄭端友謹案。活人書。用無此散。治瘡疹惡候。出不快。及黑瘡子。內使朱砂。腦麝。牛黃。輕粉。水銀等。敷之。取下一魚腸。推之。藥性極難用。小兒耳冷尻冷。手足乍煖乍涼。面赤時嗽時噎。驚悸。此瘡疹欲發也。未能辨認。間服升麻湯。消毒散。已發未發。皆宜服。仍用胡荽酒。黃蘗膏。暑月煩躁。食後與白虎湯。玉露散。熱盛與紫雪。咽喉或生瘡。與甘桔湯。甘露散。餘依錢說。大人同。小兒法。大槩與大人同。惟劑料小大不同耳。海藏云。消毒散。太陽藥。白虎湯。治身熱。目痛。鼻。子。肺。腎。藥也。甘桔湯。少陰藥也。紫雪。天門冬。麥門冬。黃。芩。地。黃。爲。血。劑。玉露散。肺。腎。藥。石。膏。寒。水。石。爲。氣。劑。

小兒藥證真訣卷三

地黃丸

熟乾地黃八錢
焙秤

山茱萸 乾山藥各四錢

澤瀉 牡丹皮 自茯苓去皮
各三錢

右爲末煉蜜和丸如桐子大三歲以下一丸至三丸溫水空心化下

當歸散 凡小兒夜啼者臟寒而腹痛也面青手冷不吮乳是也宜此方

當歸去蘆頭
切焙秤

白芍藥 人參各一分

桔梗 陳橘皮不去白
各一錢 甘草炙半分
作二分

右爲細末水煎半盞時時少與服又有熱痛亦啼叫不止夜發面赤唇焦小便黃赤與三黃人參湯

下

調中丸

白朮 人參 甘草炒各半兩 乾薑四錢

右爲細末蜜丸如菉豆大每服半丸至五七丸至二三十丸食前溫水送下

場氣丸

胡椒兩一 蠟尾去毒
半兩

右爲細末麪糊丸粟米大每服五七丸至二三十丸陳米飲下無時一方有木香一錢

大青膏

天麻末一錢一分 白附子末生半 蠟尾去毒五分 青黛研一錢 硃砂研 天竺黃研 麝香研一字 各

烏稍蛇肉酒浸焙乾取末半錢

右同再研細生蜜和成膏每服半皂子大至一皂子大月中兒粳米大同牛黃膏溫薄荷水化一處服之五歲以上同甘露散服 閻氏集保生信效方內小兒諸方言皆得于汝人錢乙其間大青膏減天麻添大青生研一分其餘藥味分料和製與此皆同載證治云治小兒傷風其候伸欠頓悶口中氣熱惡風脈浮比此為詳只用薄荷湯下今並見于此

敗毒散 治傷風時氣寒癩咳嗽

人參去蘆 茯苓剉 甘草炙 前胡去苗 芎藭剉 羌活去苗 獨活去苗 桔梗剉 柴胡去苗
枳殼麸炒去瓢秤各半兩

右為細末每服二錢水一盞入生薑薄荷少許同煎至七分去滓放溫量大小加減與之此古方也 錢氏加甜葶藶半兩薄荷葉半兩名羌活散

玉露散一名甘露散

寒水石半兩軟而殼青黑中有細紋者是 石膏半兩壓白而青牆壁手不可折者是如無以方解石代之堅白似石密敲之段段替方是也 甘草生一分
右同為細末每服一字或半錢一錢食後溫湯調下海藏云非腎熱相火大盛不宜服此

異功散 溫中和氣治吐瀉不思食凡治小兒虛冷病證先與數服以正其氣

人參切去 茯苓去 白朮 甘草炒 陳橘皮各等

右爲細末每服二錢水一盞生薑五片棗二個同煎七分食前溫熱服量多少與之海藏云四君子補脾湯同

豆蔻散 治吐瀉煩渴腹脹小便澀

舶上硫黃分一 桂府白滑石分三 丁香 荳蔻各半

右爲細末每服一字至半錢米飲調下無時

木瓜丸 止吐

木瓜末 麝香 膩粉 木香末 檳榔末各一

右同研麪糊丸如小黃米大每服一二丸甘草水下無時服

香銀丸 治吐

丁香 乾葛各一 半夏湯浸七 水銀各半

右三味同爲細末將水銀與藥研勻生薑汁丸麻子大每服一二丸煎金銀湯下無時

藿香散 治脾胃虛有熱面赤嘔噦涎嗽及轉過度者

麥門冬去心焙 半夏炒 甘草炙 石膏各半 藿香一分

綠礬須真者 膽礬真者一錢 大棗四十個 好醋一升 已上四物同使君子去皮 枳實

三兩去 黃連一兩 訶黎勒各為齏末 巴豆二十七箇 去皮破之已上五 夜明沙 蝦蟆

灰存性三分 苦楝根皮末 候乾同為四物 杵羅為末

右同前膏和入臼中杵千下如末成旋入熟棗肉亦不可多恐服之難化太稠即入溫水可丸即丸如棗豆大每服二三十丸米飲溫水下不拘時

青金丹

青黛研 雄黃飛 胡黃連各半 白附子炮刮 水銀一錢與膩 膩粉水銀 熊膽用溫水

蘆薈研 蟾酥研入 麝香半 龍腦研 硃砂飛 鉛霜研 各

右為細末令勻用熬過豬膽汁浸蒸餅和丸如黃米大退驚治風化蟲殺疳除百病進乳食治一切驚風天癆目睛上視手足搖擗狀候多端用藥一丸溫水化滴鼻中令嚏噴三五次更用薄荷湯下二丸即愈如久患五疳腹脹頭大四肢瘦小好喫泥土不思乳食愛咬指甲時擣眉毛頭髮稀疏肚上青筋及又患瀉痢竝用米飲下二丸如鼻下赤爛口齒疳蟲并口瘡等用乳汁研二丸塗在患處疳眼雀目白羊肝一杖以竹刀子批開入藥二丸在內以麻纒纏定用淘米泔煮熟空腹食之仍令乳母常忌魚腥大蒜雞鴨豬肉等此藥若隔三二日一服永無百疾不染橫天之疾此古方也錢氏獨麝香比此加倍

止汗散

故蒲扇灰如無扇用故蒲燒灰

右研細每服三錢温酒調下無時

香瓜丸

胡黃連 大黃瓜黃色者一個

川大黃濕紙裏煨至紙焦

柴胡去蘆

鼈甲醋炙黃

黃蘗削去粗皮秤

黃連 蘆薈

青橘皮各等分

右除黃瓜外同爲細末將黃瓜割去頭填入諸藥至滿卻蓋口用杖子插定慢火內煨熟將黃瓜及

藥同用麪糊丸如菉豆大每服二三丸食後冷漿水或新水下大者五七丸至十九

黃耆散 治虛熱盜汗

牡蠣燒 黃耆 生乾地黃焙秤各等分

右爲末煎服不拘時

虎杖散 治實熱盜汗

虎杖剉

右水煎服量多少與之無時

郁李仁丸 治襠襠小兒大小便不通并驚熱痰實欲得溲動者

川大黃一兩去粗皮用實者剉碎 郁李仁一兩去皮 滑石十兩細研

右先將郁李仁研成膏和大黃滑石丸如黍米大二歲服二三丸更量大小與之以乳汁或薄荷湯下食前。

捻頭散 治小便不通。

延胡索 川苦棟各等分

右同爲細末每服半錢或一錢捻頭湯調下量多少與之如無捻頭湯卽湯中滴油數點食前服。

生犀散 消毒氣解內熱。

生犀凡盛物者皆經燕煮不堪用須生者爲佳

右一物不拘多少于盪器物中用新水磨濃汁微溫飲一茶脚許乳食後更量大小加減之。

三黃丸 治諸熱。

黃芩半兩 大黃去皮瀝紙裏煨 黃連去鬚各一分

右同爲細末麪糊丸菉豆大或麻子大每服五七丸至十五二十九食後米飲送下。

大黃圓

大黃 黃芩各一兩

右爲末煉蜜丸菉豆大每服五丸至十九溫蜜水化下量大小以意無時服。

龍腦膏 治小兒伏熱在心昏瞽不省或悞服熱藥蓄熱昏昧不知人瘡疹倒壓黑陷。

生梅花腦子一字或半字研

右取新殺豬心一個取心中血同研作大丸用新汲水少許化下未省再服如瘡疹陷伏者溫酒化下食後服。

梔鼓飲子 治小兒蓄熱在中身熱燥狂昏迷不食。

大梔子仁七箇 豆豉兩

右用水三盞煎至二盞看多少服之無時或吐或不吐立效。

白虎湯 解暑毒煩躁身熱痰盛頭痛口燥大渴。

知母一兩半 甘草半兩 石膏兩 白粳米八錢

右同為粗末每服三錢水一盞煎至八分食後溫冷隨意服氣虛人加人參少許同煎。

犀角圓 治小兒風熱痰實面赤大小便閉澀三焦邪熱臟腑蘊毒疎導極穩。

生犀角半斤一分 人參半兩 黃連兩 檳榔半兩 大黃二兩 酒浸切片以巴豆去皮一百箇貼

魚卻去 枳實兩 或作半兩

右為細末煉蜜和丸如麻子大每服一二十九臨臥熱水下未動加數亦治大人孕婦無損。

大黃丸 治風熱裏實口中氣熱大小便閉赤飲水不止有下證者宜服之。

大黃一兩酒洗過米下

川芎半兩

甘草一分

黑牽牛半兩生熟炒

右為細末，稀糊和丸，如麻子大二歲，每服十九丸，溫蜜水下，乳後服，以澹利為度，未利加丸數，再服，量大小虛實用之。

瀉心湯 治小兒心氣實，則氣上下行澀，合臥則氣不得通，故喜仰臥，則氣上下通。

黃連一兩去鬚

右為末，每服一字，至半錢一錢，臨臥溫水調下。

王海藏云：易老單瀉心湯加減法，出于此，乃實邪也，實則泄其子。加黃檗為二聖丸，加橘皮為橘連丸，加榆仁為榆仁丸，加黃芩、大黃為三黃丸，加阿膠、茯苓為阿膠丸，加阿膠、當歸、乾薑為駐車丸，加木香、白附子為白附子香連丸，加訶子、木香為小香連丸，加荳蔻、木香為豆蔻香連丸。

導赤散 治小兒心熱，視其睡口中氣溫，或合面睡，及上竄咬牙，皆心熱也。心氣熱則心胸亦熱，欲言不能，而有就冷之意，故合面臥。

生乾地黃焙 木通 甘草等分 各

右同為末，每服三錢，水一盞，入竹葉同煎，至五分，食後溫服，一本不用甘草，用黃芩。

桃枝圓 疎取積熱及結胸又名桃符丸

巴豆霜 川大黃皮去 黃檗末各一分

輕粉 硃砂各半錢

右爲細末，麩糊丸。粟米大。煎桃枝湯。一啐兒。五七丸。五七歲。三十九丸。桃符湯亦得。未啐。二三丸。臨臥服。

白餅子又名玉餅子

滑石 輕粉 半夏湯浸七次切焙 天南星各二錢 巴豆二十四箇去皮膜水一升

右研勻。巴豆後入衆藥。以糯米飯爲丸。小菘豆大。捻作餅子。三歲以上。三五餅子。以下一二餅子。煎葱白湯下。臨臥。

紫霜丸

代赭石二錢研細水飛一本作一錢 巴豆二十一箇去油心皮膜 杏仁二十一箇去皮尖

右爲細末。飯丸如粟米大。每服三五丸。至十九丸。煎皂角仁湯下。無時。海藏云。五色加減。並見活法。

珍珠丸 取小兒虛積。一切聚積。驚涎。宿食。乳癖。治大小便澀滯。療腹脹。行滯氣。

巴豆仁十四箇水浸一宿研極細 木香 白丁香直者 丁香末各半 白滑石末二錢 輕粉半錢留少

右爲末。研勻。濕紙裹。燒粟米飯丸。麻子大。一歲一丸。八九歲以上。至十五歲。服八丸。炮阜子煎湯。放冷下。挾風熱難動者。先服涼藥。一服。乳癖者。減丸數。隔日臨臥。一服。

消堅丸 消乳癖。及下交妳。又治痰熱膈實。取積。

硃砂二錢 水銀砂子一兩皂子大 黃明膠末五錢 巴豆霜 輕粉各一錢 古墨少許

右同研細末。少入麪糊爲丸。如麻子大。倒流水下。一歲兒服一丸。食後服。

鐵粉丸 治涎潮盛搐吐逆。

水銀砂子錢一分。硃砂分一。天南星皮一分。炮去取末。輕粉錢二。鐵粉分一。

右同研水銀星盡爲度。薑汁麪糊爲丸。粟米大。煎生薑湯下。十九至十五九。二三十九。無時。

麝蟾丸 治驚風涎熱潮搐。

龍腦七字。大乾蟾灰炮二遍。三錢一分。輕粉七錢。硃砂末七錢。

末錢七。麝香各研七。雄黃末。蛇黃取末。青礞石。

右拌研勻。水浸蒸餅爲丸。如桐子大。硃砂爲衣。薄荷水化下。半丸至一丸。無時。

安蟲散

胡粉黃炒。檳榔。川棟子核去皮。鶴蝮炒黃。白礬火一分。鐵器勺熬枯秤。

右爲細末。每服一字。大者半錢。溫米飲調下。痛時宜服。

五色丸

硃砂研半兩。水銀作二分。一。雄黃作三兩。一。眞珠末研。鉛水銀熬。

右煉蜜丸。麻子大。每服三四丸。煎金銀花薄荷湯下。

鉤藤飲子 治吐痢脾胃氣熱虛風慢驚。

鉤藤分三 蟬殼 防風去蘆頭 人參切去 麻黃去 白僵蠶炒黃 天麻 蠟尾各半兩 甘

草炙 川芎各一 麝香別研

右同爲細末。每服二錢。水一盞。煎至六分。溫服。量多少與之。寒多者。加附子半錢。無時。

豆豉散 治小兒慢驚。多用性太溫及熱藥治之。有驚未退。而別生熱證。有病愈而致熱證者。有反爲急驚者。甚多。當問病者。幾日。因何得之。曾以何藥療之。可用解毒之藥。無不效。宜此方。

大黃豆卷水浸黑豆生 貫衆 板藍根 甘草各一

右四味。同爲細末。每服半錢。水煎。去滓服。甚者三錢。漿水內入油數點。煎。又治吐蟲。服無時。

龍腦散

大黃蒸 半夏湯洗。薄切。用薑汁 甘草炙 金星石 寒水石 禹餘糧 不灰木 青蛤粉各半

銀星石分傳寫缺

右同爲細末。研入龍腦一字。再研勻。新水調一字。至半錢。量兒大小與之。通解諸毒。本舊方也。仲陽

添甘松三兩枚。藿香葉末一錢。金芽石一分。

回生散 治小兒吐瀉。或誤服冷藥。脾虛生風。成慢驚。

大天南星重八九錢

右用地坑子一箇。深三寸許。用炭火五斤。燒通赤。入好酒半盞在內。然後入天南星。卻用炭火三兩

條蓋卻坑子候天南星微裂取出挫碎再炒用熟不可稍生放冷為細末每服半錢或一字量兒大小濃煎生薑防風湯調下無時

梓朴散

梓州厚朴一兩細剉半夏一錢湯洗七次薑汁浸半日曬乾

右用米泔三升同浸一百刻水盡為度如百刻水未盡少加火熬乾去厚朴只將半夏礮為細末每服半錢或一字薄荷湯調下無時

羌活膏

治脾胃虛肝氣盛生風或取轉過或吐瀉後為慢驚者亦治寒傷無不效

羌活去蘆頭川芎人參切去頭尖白附子炮赤茯苓去皮各半兩天麻白僵蠶酒浸炒乾蠍去毒

白花蛇乾酒浸去肉焙川附子炮去皮臍防風去蘆頭切焙麻黃去節秤各一錢一本作各三錢肉豆蔻雞頭

香母丁香也藿香葉沉香木香各二錢輕粉字真珠末牛黃各半龍腦字麝香本作一錢

雄黃辰砂各一分以上

右為細末煉蜜九大豆大每服一二丸食前薄荷湯或麥門冬湯化下實熱急驚勿服性溫故也服

無時古今論鷄舌香者同異紛紛或以為番棗核或以為母丁香互相排抵竟無定說季忠以為

最為易辨所以久無定說者惑于其名耳古人命藥多以其形似者名之如烏頭狗脊鶴虱之類是

也番棗核母丁香本二物以其皆似鷄舌故名適同凡藥物名同實異如金櫻地錦之類不足怪也

如鷄舌二種各有主療。番粟核者得于乳香中。今治傷折藥多用之。母丁香卽丁香之老者極芳烈。古人含鷄舌香乃此類也。今治氣溫中藥多用之。所謂最易辨者如此。

溫白丸 治小兒脾氣虛困洩瀉瘦弱冷疳洞痢及因吐瀉或久病或慢驚身冷瘰。

天麻生牛兩 白僵蠶炮 白附子生 乾蠍去毒 天南星剉湯浸七分 各一分。

右同為末湯浸寒食麪為丸如菉豆大丸了仍于寒食麪養七日取出未及養七日合成便服之。

服五七丸至二三十丸空心煎生薑米飲下漸加丸數多與服之。

菹蕪湯 治慢驚。

菹蕪根末二錢 白甘遂末一錢。

右同于慢火上炒焦黃研勻每服一字煎麝香薄荷湯調下無時。

小惺惺丸 解諸毒治急驚風癩潮熱及諸疾虛煩藥毒上攻躁渴。

臙日取東行母猪糞燒灰存性 辰砂水研飛 蛇黃西山者燒赤醋淬半兩 麝香 龍腦各二錢 牛

黃一錢 別研各

右以東流水作麪糊丸桐子大用硃砂為衣二三歲每服二丸鑰匙研破溫水化下小兒初生便宜

服一丸除胎中百疾食後服。

金箔丸 治急驚涎盛。

牛黃 龍腦 麝香錢各半 雄黃 辰砂各一分 生犀末半分 以上 天南星剉炒 白附子炮

防風去蘆頭切焙 半夏湯浸七次切焙 金箔二十片

右為細末。薑汁麪糊丸。麻子大。每服三五丸至一二十丸。人參湯下。如治慢驚。去龍腦。服無時。

蟬花散 治驚風夜啼咬牙咳嗽及療咽喉癢痛

蟬花殼並 白僵蠶直者酒炒熱 甘草各一分 延胡索半

右為末。一歲一字。四五歲半錢。蟬殼湯調下。食後服。

安神丸

麥門冬去心焙 馬牙硝 白茯苓 乾山藥 寒水石研 甘草各半兩 硃砂一兩 龍腦一字

右為末。煉蜜丸。雞頭大。每服半丸。沙糖水調下。無時。

天南星散 治顛開不合。鼻塞不通。

天南星大者微炮去皮

右為細末。淡醋調。塗緋帛上。貼顛上。火炙手。頻熨之。立效。

瀉白散又名瀉肺散

桑白皮紙剉炒黃 地骨皮洗去土焙 甘草炒半兩

右件為末。每服一二錢。水一中盞。入粳米百粒。同煎至六分。食後溫服。王海藏云。治肺熱。傳骨蒸。

自汗用此以直瀉之。梔子黃芩亦能瀉肺當以氣血分之。

益黃散 又名補脾散

陳橘皮兩一 青橘皮 訶子肉 甘草切炒各半兩 丁香錢二

右為細末每服二錢水一盞煎六分食前溫服又有食後

瀉黃散 又名瀉脾散

藿香葉錢七 山梔子仁兩一 石膏兩半 甘草三兩一分作三分 防風四兩切去蘆焙

右剉同蜜酒微炒香為細末每服一錢至二錢水一盞同煎至五分溫服清汁無時南方多以寒水石為石膏以石膏為寒水石正與京師相反乃大誤也蓋石膏潔白堅硬有牆壁而寒水石則軟爛以手可碎外惟青黑中有細紋方書中寒水石則火煨用之石膏則堅硬不可入火如白虎湯用石膏則能解肌熱破痰治頭痛若用寒水石則誤矣又有一等堅白全類石膏而方敲之亦皆成方者名方解石也可代石膏用之南人有不信此說者季忠嘗相與同就京師大藥肆中買石膏寒水石方解石三種又同詣惠民和劑局及訪諸國醫詢之皆合此說乃信服季忠頃編保生信效方已為辯論恐小兒尤不可悞故復見于此

白朮散

人參切去蘆頭 白朮 木香 白茯苓去皮 甘草炒 藿香葉各一兩 乾葛兩二

右爲粗末每服一錢至二錢水一盞煎至五分溫服如飲水者多煎服之無時。王海藏云四君子湯加減法治濕勝氣脫泄痢太過與和中散同。

瀉青丸 又名瀉肝丸

當歸 去蘆頭切焙 龍膽 切焙 川芎 山梔子仁 川大黃 濕紙裏煨一 羌活 防風 去蘆頭切

右爲末煉蜜和丸鷄頭大每服半丸至一丸煎竹葉湯同沙糖溫水化下。王海藏瘧疹改誤云東垣先生治瘧後風熱毒翳膜氣暈遮睛以此劑瀉之大效初覺易治補肝丸防風六合湯四物湯內加防風羌活等分細末煉蜜爲丸是也。鎮肝丸瀉青丸去梔子大黃治肝虛。

生犀散

生犀 剉取末 地骨皮 自採者佳 赤芍藥 柴胡 乾葛 剉一兩 甘草 半兩

右爲粗末每服一二錢水一盞煎至七分食後溫服。

秦朮散 治潮熱減食蒸瘦。

秦朮 去蘆頭切焙 甘草 炙一兩 各 乾薄荷葉 半兩切焙

右爲粗末每服二錢水一盞煎八分食後溫服。

地骨皮散 治虛熱潮作亦治傷寒壯熱餘熱。

知母 柴胡 甘草 人參 切去 地骨皮 自採者佳 赤茯苓 半夏 湯洗七次切 各等分。

右爲細末每服二錢薑五片水一盞煎八分食後溫服量大小加減

牛黃膏 治驚熱及傷風溫壯疳熱引飲

雄黃研 甘草末 川甜硝各一 寒水石生飛研一兩 鬱金末 腦子各一 菜豆粉兩

右研勻煉蜜和成膏薄荷水化下半皂子大食後服

牛黃丸

雄黃研水 天竺黃各二錢 牽牛末一錢

右同再研麪糊爲丸如粟米大每服三九至五九食後薄荷水下兼治疳消積常服尤佳大者加數丸

銀液丸 治驚熱膈實嘔吐上盛涎熱

天南星二錢 白附子一錢 龍腦半錢 輕粉一錢 水銀半錢一本 蠟尾二十一枚

右同研勻石腦油丸如菉豆大每服二三丸乳香湯下大者稍加之無時

鎮心丸 涼心經治驚熱痰盛

甜硝白 人參切去 甘草炙取 寒水石燒各一兩 乾山藥白 白茯苓各二兩 硃砂一兩 龍腦

麝香各一錢三 味并研碎

右爲末熟蜜丸鷄頭大如要紅入坏子胭脂二錢卽染胭脂是也溫水化下半丸至一二丸食後

軟金丹 治驚熱、痰壅、嗽、膈實。

天竺黃 輕粉各半兩一 青黛一分 半夏三分用生薑三分半搗 黑牽牛三分

右同研勻。熟蜜劑為膏。薄荷水化下。半皂子大。至一皂子大。量度多少用之。食後。

鈎藤膏 治小兒腹中極痛。乾啼後假名盤腸內疝。鄭端友全嬰方名木香膏。

好乳香水中坐乳鉢研細秤 沒藥研 木香 薑黃各四錢 木鼈子仁二十個去外皮一本作十二個

右先將後三味同為細末。次研入上二味。煉蜜和成劑。收之。每一歲兒可服半皂子大。餘以意加減。

煎鈎藤湯化下。無時。次用魏香散。

魏香散

蓬莖莖半兩 真阿魏一錢

右先用溫水化阿魏。浸蓬莖莖一晝夜。焙乾為細末。每服一字。或半錢。煎紫蘇米飲。空心調下。

涼驚丸

礪砂研 粉霜研 郁李仁去皮焙乾為末 輕粉 鐵粉研 白牽牛末各一錢 好臘茶三錢

右同為細末。熬梨為膏。丸菉豆大。龍腦水化下。一九至三九。亦名梨汁餅子。及治大人風涎。竝食後。

服一本無白牽牛末

剪刀股丸 治小兒一切驚風。久經宣利。虛而生驚者。

硃砂 天竺黃 研 白僵蠶 去頭 全蠍 炒 毒 乾蟾 去四足并腸洗 蟬殼 去頭足 一 五靈脂

去黃者為末 用各一分 牛黃 腦子 字各一 麝香 錢 地黃 半兩 燒赤 醋淬 三五遍 水研飛

右為末 共二兩四錢 東流水煮白麪和丸 桐子大 每服一丸 剪刀鑽頭研破 食後薄荷湯下 如慢驚 卽去龍腦

烏藥散 治乳母冷熱不和及心腹時痛 或水瀉 或乳汁不好

香附子 破用 白者 高良薑 赤芍藥 天台烏藥 各等分

右為末 每服一錢 水一盞 同煎六分 溫服 如心腹痛 入酒煎 水瀉 米飲調下 無時

紫草散 發癩疹

鈎藤 鈎子 紫草 茸 各等分

右為細末 每服一字 或半錢 一錢 溫酒調下 無時

紫草散 治發瘡 辛亥樵隱孫先生出麻疹 又發痘瘡 瘡黑陷 亢拱辰出此方愈 亢云 錢氏方 紫草散 有

枳殼難服

紫草 甘草 糯米 亢云 此味極好 助胃氣 黃芪 各等分

右為末 水煎服

蟬蛻散 治癩瘡 入眼 半年以後者 一月取效

猪懸蹄甲二兩入罐子內鹽泥固濟燒存性 蟬蛻去土用末一兩

右二味研入羚羊角細末一分拌勻每服一字百日外兒半錢三歲以上一二錢溫水或新水調下日三四夜一二食後服一年以外難治季忠頃守官江南每置羚羊角取得山羊角正如石膏寒水石之相易也羚羊角纖細而節紋極密京師傲馬人多用以爲馬銜鐵是也山羊角粗長及節紋稀當是京師用爲正

三聖丸 化痰涎寬膈消乳癖化驚風食癩諸疳小兒一歲以內常服極妙次有三名小青丸小紅丸黃丸總爲三聖丸

小青丸

青黛一分 牽牛末三分 膩粉二錢

右竝研勻麪糊爲丸黍米大

小紅丸

天南星末一兩三分 硃砂半兩 巴豆二錢取霜

右研勻薑汁麪糊丸黍米大一本天南星一兩生

小黃丸

生半夏末一分 巴豆霜一分 黃檗末半錢

右研勻。薑汁糊丸黍米大。百日以上者各一九。一歲者各二九。隨乳下之。

編銀丸 治風涎膈實。上熱及乳食不消。腹脹喘粗等。

巴豆牛兩去皮油 古黑八錢火燒 水銀兩 黑鉛二錢半同水 麝香別研

右將巴豆末并墨再研勻。和入砂子。麝香。陳米粥和丸如菉豆大。捻編。一歲一九。二三歲二三九。五歲以上五六九。煎薄荷湯。放冷送下。不得化破。更量虛實增減。竝食後服。

百部丸 治小兒肺寒壅嗽。微喘。

百部炒乾 麻黃去節先作末 杏仁四十箇去皮尖

右和勻。熟蜜丸。皂子大。溫水下二三九。無時日三四服。此方仲陽加松子仁五十箇。糖丸之。含化。大妙。

銀砂丸 治涎盛。膈熱實。痰嗽。驚風。積潮熱。

水銀結砂子三 辰砂研二 蠟尾去毒 礪砂研 郁李仁去皮焙 粉霜研 白牽牛末 輕

粉錢各一 鐵粉 好蠟錢各一

右同為細末。熬梨汁為膏。丸如菉豆大。龍腦水化下。一九。至三九。亦名梨汁餅子。及治大人風涎。竝食後服。

溫中丸 治小兒胃寒瀉白。腹痛。腸鳴。吐酸水。不思食。霍亂吐瀉諸疾。

人參去蘆 甘草炮 白朮各一兩

右薑汁麩糊丸如菉豆大米飲下。一二十九。不拘時服。

二氣散 治虛實冷熱霍亂吐逆。

硫黃不夾石者。兩研細。 水銀一分與黃再研。

右同研如黑煤色不見星。每服一字。至半錢。用生薑水調下。不以時候。量兒大小加減。此散浮泛難沈。先滴少水。以指緩緩研之。稍稍增湯。使調之。及治大人小兒一切吐逆。諸藥不效者。

白附子香連丸 治腸胃氣虛。暴傷乳哺。冷熱相雜。瀉痢赤白。裏急後重。腹痛扭撮。晝夜頻併。乳食減少。

黃連 木香各二分 白附子尖二箇

右爲末。粟米飯丸。菉荳大。或黍米大。每服十九。至三十九。食前清米飲下。日夜各四五服。

荳蔻香連丸 治泄瀉。不拘寒熱赤白。陰陽不調。腹痛腸鳴。立效如神。

黃連三分 肉荳蔻 南木香各一分

右爲細末。粟米飯丸。米粒大。每服米飲下。十九。至三二十九。日夜各四五服。食前。

小香連丸 治冷熱腹痛。水穀利。滑腸。

木香 訶子肉各一錢 黃連半兩

右爲細末。飯和丸。菉豆大米飲下。十九。至三十九。頻服之。食前。

大胡連丸 治一切驚疳。腹脹蟲動。好喫泥土生米。不思飲食。多睡。吼呌。臟腑或祕或瀉。肌膚黃瘦。毛焦發黃。飲水。五心煩熱。能殺蟲消脹。進飲食。兼治瘡癬。常服不瀉痢。

胡黃連 黃連 苦楝子各一兩 白蕪荑去屬牛兩 乾蟾頭燒存性別 麝香別研 青黛一兩

半別 蘆薈別研

右先將前四味爲細末。豬膽汁和爲劑。每一胡桃大。入巴豆仁一枚。置其中。用油單一重裹之。同米一升許蒸。米熟爲度。入後四味爲丸。少入麪糊丸。

麝香丸 治小兒一切驚疳等病。

草龍膽 胡黃連各半 木香 蟬殼去頭足洗 瓜蒂 龍腦 麝香 牛黃

各一錢並各自研

右藥爲細末。和豬膽汁。丸桐子及菉豆大。驚疳臟腑。或祕或瀉。清米飲或溫水下。小丸五七粒。至一二十粒。疳眼。豬肝湯下。疳渴。燻豬湯下。猪肉湯下。亦得。驚風發搐。眼上。薄荷湯下一丸。更水研一丸。滴鼻中。牙疳瘡。口瘡。研貼。蟲痛。苦梗根。或白蕪荑湯送下。百日內小兒。大小便不通。水研。封臍中。有蟲。加乾漆。好麝香。各少許。并入生油一兩點。溫水化下一大丸。病急。則研碎。緩則浸化。小兒虛極。慢驚者。勿服。尤治急驚痰熱。此方內一本。瓜蒂用二十一箇爲末。更用蘆薈。去沙。秤。熊膽。青黛。各一分。輕粉一錢。

大惺惺丸 治驚疳百病及諸壞病不可具述。

辰砂研 青礞石 金牙石各一錢半 雄黃錢一 蟾灰二錢 牛黃 龍腦各一字 麝香別研 蛇黃

三錢醋
泮五次

右研勻細末水煮蒸餅為丸硃砂為衣如菉豆大百日兒每服一九一歲兒二九薄荷湯化下食後。

獨活飲子 治腎疳臭息候良方。

天麻 木香 獨活 防風各一錢 麝香少許研細末和入

右每服一錢匕小者半錢麥門冬熟水調下。

三黃散 治腎疳崩砂候良方。

牛黃 大黃 生地黃 木香 青黛各等分

右每服一錢七熟水調服。

人參散 治腎潰槽候良方。

肉苳蔻炮 胡黃連 人參 杏仁炒 甘草各等分

右每服一錢匕小者半錢溫熟水調服。

檳榔散 治腎疳宣露候良方。

木香 檳榔 人參 黃連 甘草各等分

右每服一錢。小者半錢。熟水調服。

黃芪散 治腎疳腐根候良方。

黃芪炙 牛黃 人參 天麻 蠟去 杏仁炒 白茯苓 川當歸 生地黃洗 熟乾地黃洗 各等

末分爲

右每服。小者半七。煎天門冬。熟水調服。麥門冬亦得。

地骨皮散 治腎疳齕齩牙齒肉爛腐臭。鮮血常出。良方。

生乾地黃兩半 真地骨皮 細辛各一分 五倍子炒令焦二錢

右爲末。每用少許。傅之。頻與功效。多不妨。議曰。本經所載。疳證有五。謂五臟所受。故得其名。今述

腎疳。一臟有五證候者。最爲要急。不可同常。此疾具陳有五種候。傳迅疾可畏。乃知走馬之號不誣。

初發之時。兒孩口臭。上干胃口。氣息臭鬱。漸進損筋。齕肉生瘡。或腫或爛。其齒焦黑。又進從牙槽內

發作瘡。破潰膿爛。又進熱逼入脈。常血出其熱注久。牙齕腐壞。槽寬齒脫。六七歲孩。落盡不復更

生。豈可治療。今以妙方宜速與。隨其傳變而理。不待疾作而後藥也。

龍骨散 治疳口瘡。走馬疳。

砒霜字一錢 粉霜錢半 龍骨錢一 定粉半錢 龍腦字半 蟾酥字一

右先研砒粉極細。次入龍骨。再研。次入定粉。等同研。每用少許。傅之。

蘭香散 治小兒走馬疳。牙齒潰爛。以至崩砂出血齒落者。

輕粉 蘭香末各一錢 蜜陀僧牛兩兩 為末。

右研如粉。傅齒及齦上立效。議曰。嬰孩受病。證候多疳。良由氣鬱三焦。疳分五臟。內有腎經常虛。得疳名之曰急。以走馬為喻。治療頗難。此等證。初作口氣。名曰臭息。次第齒黑。名曰崩砂。盛則齦爛。名曰潰槽。又盛。血出名曰宣露。重則齒自脫落。名曰腐根。其根既腐。何由理之。嗟乎豪家育子。舖以甘肥。腎堂受之虛熱。或因母在難月。恣食厚味。令兒所招。俱非偶然而作。今將祕方述于後。

傅齒立效散

鴨背膽礬一錢匙上 麝香少許

右研勻。每以少許傅牙齒齦上。又一方。用蟾酥一字。加麝香和勻傅之。議曰。血之流行者榮也。氣之循環者衛也。變蒸足後。飲食之間。深恐有傷于榮衛。而作衆疾。其或氣傷于毒。血傷于熱。熱毒攻之。虛臟所受。何臟為虛。蓋小兒腎之一臟。常主虛。不可令受熱毒。攻及腎臟。傷乎筋骨。惟齒受骨之餘。氣故先作疾。名曰走馬。非徐徐而作。所宜服藥。甘露飲。地黃膏。化毒丹。消毒飲。其外證。以前件立效散。及麝酥膏。傅之。切忌與食熱毒之物。此疳不同常證。醫宜深究。保全為上。若用常方。難于痊愈。

胡黃連麝香丸 治疳氣羸瘦白蟲作。

胡黃連 白蕪荑去麩一兩半 各 黃連 木香各半 辰砂一分 麝香一錢

右爲細末。麩糊丸。菉豆大。米飲下五七丸。至十九。三五歲以上者。可十五丸。二十九。無時。

大蘆薈丸 治疳殺蟲和胃止瀉。

胡黃連

黃連

白蘼莢

去屬

蘆薈

木香

青橘皮

雷丸

破開白者佳。赤者殺人勿用。

鶴蝮

微炒。各半兩。

麩

香別研二錢

右爲細末。粟米飯丸。菉豆大。米飲下一二十九。無時候服。神效。忌一切甜物。

榆仁丸 治疳熱瘦悴。有蟲。久服充肥。

榆仁去屑

黃連

去鬚。各一兩。

右爲細末。用猪膽七箇。破開。取汁與二藥同和。入碗內。甑上蒸九日。每日一次。候日數足。研麩香半

錢湯浸宿。蒸餅同和。成劑丸。如菉豆大。每服五七丸。至一二十九。米飲下。無時。

橘連丸 治疳瘦。久服消食利氣。長肌肉。

陳橘皮兩

黃連一兩半。去鬚。米泔浸一日。

右爲細末。別研入麩香半錢。用猪膽七箇。分藥入膽內。漿水煮。候臨熟。以針微刺破。以熟爲度。取出。以粟米粥和菉豆大。每服十九。至三十九。米飲下。量大小與之。無時。

龍粉丸 治疳渴。

草龍膽

定粉微炒

烏梅肉焙

黃連各二分

右爲細末。煉蜜丸。麻子大。米飲下。一二十九。無時。

二聖丸 治小兒疳。臟腑或好或瀉。久不愈。羸瘦成疳。宜常服。

川黃連 去鬚一兩 黃蘗 去粗皮一兩

右爲細末。將藥末入猪膽內。湯煮熟。丸如棗豆大。每服二三十九。飯飲下。量大小加減。與服。無時。

沒石子丸 治小兒泄瀉白濁。及疳痢滑。肛門痛。

木香 錢半 黃連 錢半 沒石子 錢半 荳蔻仁 錢半 訶子肉 錢半

右爲細末。飯和丸。如麻子大。米飲下。十五丸。量大小加減服之。

金華散 治小兒一切濕瘡癬疖。

黃蘗 各半兩 黃連 各半兩 黃丹 一兩 輕粉 錢 麝香 別研

右同研勻。先以溫水洗。後貼之。

蚶蚶丸 治小兒五疳八痢。乳食不節。寒溫調適乖違。毛髮焦黃。皮膚枯悴。脚細肚大。顛解胸陷。漸覺尪羸。時發寒熱。盜汗咳嗽。腦後核起。腹內塊生。小便淋漓。膿痢澀青。擗眉咬指。喫土甘酸。吐食不化。煩渴併

頻。心神昏瞽。鼻赤唇燥。小蟲既出。蛔蟲咬心。疳眼雀目。名曰丁奚。此藥效驗如神。

蚶蚶 酒浸去骨焙 白蕪荑 去皮 黃連 去鬚 胡黃連 各一兩 青黛 爲衣


右件研爲細末。猪膽汁麪和丸。如粟米大。每服三十九。用飯飲吞下。食後臨臥。日進三服。

右件研爲細末。猪膽汁麪和丸。如粟米大。每服三十九。用飯飲吞下。食後臨臥。日進三服。

白玉散

白玉分一
寒水石兩半

右爲末。用米醋或新水調塗。



經 願 願

詳 不 人 撰

本館據函海本排
印初編各叢書僅
有此本

顛顛經卷上

宋 闕名 撰

脉法

凡孩子三歲已下呼爲純陽元氣未散。若有脉候。卽須於一寸取之。不得同大人分寸。其脉候未來。呼之。脉來三至。吸之。脉來三至。呼吸定息。一至。此爲無患矣。所言定息。呼氣未出。吸氣未入。定息之中。又至此。是平和也。若以大人脉五至取之。卽差矣。如此七至已上。卽爲有氣。或脉如弓之張弦。此爲有氣。並可依後方合藥治之。或七至已下。此爲冷候。亦宜依後方合藥療之。或診候取平。或忽而不見。沉浮不定。伏益根平者。此爲神鬼之病。且合求祟。續宜使藥。或桃柳枝湯浴。煎飲子。爲使。一兩顆桃心。孩子脉呼吸十五至已上。三至以下。皆死矣。

病證

初生小兒。鵝口撒噤。並是出胎。客風着顛臍。致有此。可以小艾三壯。及烙之。愈。

初生小兒。至夜啼者。是有瘀血。腹痛。夜乘陰而痛。則啼。

初生小兒。一月內乳痢如膠。是母寒氣傷胃所致也。

初生小兒。一月內乳痢如血。是母胃有滯熱所作也。

初生小兒。一月內兩眼赤者。亦在胎之時。母喫炙博熱麵。壅滯氣入胎中。熏兒腦所致也。

小兒溫熱。皆因從氣實而搏胃氣。然若下之。平氣即愈。氣虛則生驚而變癩。

小兒驚癩。一從虛邪客熱相搏而生。其後常用補養安和即愈。加以性冷及太過。即死。

小兒噦逆吐。皆胃氣虛逆。氣客於藏氣而作。當和胃養氣。至下如冷即極。小兒霍亂吐逆。皆胃氣與陰陽氣上下交爭而作。常用分和補藥調養。即愈。餘皆死。小兒客忤無辜。皆因客入所觸。及暴露星月。小兒嫩弱。所以此候多惡。

小兒一、眼青揉癢。是肝疳。二、齒焦。是骨疳。三、肉色鼻中乾。是肺疳。四、皮乾肉裂。是筋疳。五、髮焦黃。是血疳。六、舌上生瘡。是心疳。七、愛喫泥土。是脾疳。孩子肌骨肥實。皮膚白。無故煩渴。此是小時妳猛衝損肺。但依後方內用甘草人參合飲之。若氣急甚。胃脹起。鼻連眼下臉青色。呻吟之聲者。此必死之兆。不得與藥。孩子利如泔澁者。難效。利如鵝鴨血者。脾已爛損。不宜與藥。

孩子凡有諸色疾苦。但眼臉下垂牽。必定死矣。

孩子瘡。皆難效。或發無時。即口噤咬牙作聲。此必死矣。呼爲瀝瘡疳瘡。亦名爲鎖腸疳。

孩子渴。喫乳食。夜啼作聲。此即是腹肚痛。

孩子無故搖頭。此是惱頂痛。

孩子喫乳食。皆出。此是脾冷。

孩子無故肚大頂細。四肢消瘦。筋脉骨節起。自是小來少乳。嚼食與喫。早成骨熱疳勞。先宜與保童丸喫。

續與柴胡煎甲飲。保童丸方見一切疳門中。柴胡飲子方見行遲門中。

孩兒頭面胛膊肌序臂脛細瘦行走遲者是小持也損。

孩子鼻流清涕或鼻下赤痒。此是惱中鼻中疳極。宜用後方青黛散吹鼻兼傳下赤爛處。方見疳疾吹鼻門中。

已前並診候孩子疾狀。孩子氣脉未調。藏府胞薄。腠理開疎。看脉以時。依方用藥。

孩子或夏中熱時。因乳母沐浴多使冷水。妳得冷氣。血脉皆伏。見孩兒氣未定。便與妳。使孩子多胃毒。及

赤白兩般惡痢。此乃是妳母之過。凡浴後令定息良久。候氣定揉與之。即令無患。

師巫燒錢。乳母須預祝之。勿令着水噴兒。皆令驚熱入心。轉成患害。切細慎之。

凡孩子自生。但任陰陽推移。即每六十日一度變蒸。此骨節長來。四肢發熱。或不下食乳。遇如此之時。上

唇有珠子如粟粒大。此呼為變蒸珠子。依後方退熱飲子療之。不宜別與方藥。幼幼新書註云。顛顛以下以三十二日為一變。果氏病源

說有不同。故兼存之。

驚癇癩證治

牛黃丸 治小兒胎驚及癩。或心熱。

牛黃

龍齒

馬牙硝

鐵焰粉各等分

右為細末。鍊蜜丸如梧桐子大。每日乳食前。熱水調破一丸。灌下。令母忌口。

又牛黃丸 治孩子驚熱入心擬成癇疾面色不定啼哭不出潮熱無度不吃乳食大段眼翻露白手足逆冷呼喚不應

牛黃研

大黃

獨活各一分

升麻

琥珀奕別研

大麻二別研各兩

右爲末蜜丸如梧桐子大空心熱水下一丸頓服之食後再服一九至十於關各金銀箔各五片忌燻炙毒物

虎睛丸 治孩兒風癇驚啼不吃乳

虎睛一隻

犀角

子芩各等分

梔子仁

大黃各十分

右五味爲細末鍊蜜丸如梧桐子大驚啼不吃妳乳汁下七丸風癇米飲下五丸至七丸小兒減丸數取利爲度忌毒物若有虛熱加知母六分

又虎睛丸 治小兒孩子二十四種驚癇壯熱抽掣腳手嘔吐夜啼眼腫

虎睛二隻對

梔子仁

茯苓各二分

牛黃少許

大黃各四分

犀角末一分

人參一分

鈎藤四分

黃岑一分

蛇退 七寸燒灰 聖

右爲末。蜜丸如黍米大。空心熱水下。隨年九輕者一服。重者三服。妳汁下亦得。聖惠熱水下。忌妳母痢疾方。治孩子驚癇不知。迷悶。嚼舌。仰目。

牛黃 一大豆

右爲細末。研和蜜水服之。

二十味虎睛丸 治孩子從一歲至大。癩發無時。口出白沫。小便淋瀝不和。

虎睛 一隻生眼佳。乾酒浸令黃色。

眞珠

蜂房 各三錢

麻黃 二分去節

鈎藤 三分

鐵精

防葵

大黃

子芩

龍齒

銀肖

梔子仁

羌活 各四分

柴胡

升麻

白鮮皮

雷丸 燒令赤

人參 各二分

細辛 一分

蛇皮 五寸炙

石膏 五分

蚱蟬 四枚去翅足炙

右爲末。蜜丸如赤豆大。四五歲五丸。日再服。大兒十九。濃煎米飲下。忌生冷油膩。

疳痢證治

保童丸 治小兒孩子諸色疳候。或腹內虛脹。驚癇。頭髮立。常咬手指。脊疳。脊勞。臂脛細弱。仍立不得。及鼻下常赤。清涕。涎流不止。舌上生瘡。腦疳。口疳。腹上筋脉。

虎睛半隻

硃砂

麝香各一錢

牛黃

龍腦

巴豆

芎藭

桔梗

枳殼

檀香

茯神

人參

當歸

羌活

代赭

雞風

白朮各半兩

右爲細末。下香砂巴豆勻。鍊蜜丸如梧桐子大。一歲至五歲。每日一丸。十歲每日兩丸。並空心米飲下。

但稍知孩子病甚。卽加藥與之。孩子未較。妳母忌生冷油膩。炙燻毒魚。大蒜米醋。

又方 治孩子疳痢。諸色疳并。一十五種病狀。一腹大。二皮膚黑黃。三骨節鹿。四眼赤。五口赤。六鼻中生瘡。七頭髮黃。八咬指甲。九愛喫土。十愛喫甜食。十一身熱。十二頭大。十三臍凸。十四項細。十五面無光。

並宜常服保童丸方。

硃砂半分

牛黃

麝香

蟾酥 各少許

阿魏 二分

右先將硃砂於淨器中研如粉。入諸藥。一時以蒸餅爲丸。忌羊血等。

又方 治孩子疳氣。或釀肚脹。上筋脉。頭大。項細。喫物不知足。夜中即起。腹內長鳴。

大黃 兩一

陳橘皮 二兩。酸醋二合。浸二日曬乾。

蜣螂 二十個。去翅足子。熱燒醋安之。以杯蓋地上。去火毒。候冷取出炒過。

右爲末。蜜丸如梧桐子大。每日空心熱水下十九。忌如常。

紫雪圓方 治小兒五疳。兼腹脹。虛脹。疳氣煩悶。或時燥渴。

大黃

黃連

代赭 各二分

硃砂

麝香 各少許

杏仁 去皮尖。別研。

肉豆蔻

巴豆 去皮。以冷水浸。別研各一兩。

右爲細末。蜜丸如赤豆大。每服空心米飲下一圓。五歲十歲只可服五丸。臨時加減。忌冷水油膩炙博。

硃砂丸 治孩子疳痢。辨蟲顏色。定吉凶。

硃砂 中石連大。

阿魏 如硃砂大。

蝙蝠血 三二滴。

蟾酥 少許。

右爲細末。和少許口脂調。先以桃柳枝煎湯浴兒後。看小兒大小。以菘豆大填兒臍中。後用紙片可臍。

中貼之用青衣蓋兒看蟲出來黃色輕青黑色重

青黛散 治孩子鼻流清涕或鼻下赤癢

青黛 錢一

硃砂 七一字

宣連 錢半

蘆會 錢半

瓜蒂 錢半

地龍 錢半

細辛 錢一

右爲細末和合吹鼻中入麝香少許

保童丸

硃砂

麝香

新蟾酥 名分等

右研合成劑合子內盛丸如麻子大又於一合子內浸一丸以筋頭點入鼻中亦名問命丸但孩子病甚卽與吹之或得七噴可以治之五噴卽甚三兩噴必死矣此不可深著水浸臨時入水亦不畏蓋腦丸 治孩子腦疳鼻癢毛髮作穗面色赤

地榆 炙

青黛

蝦蟇 燒一分各

石蜜 各二分

蝸牛殼 二十個

麝香 豆許

右爲末吹鼻當有黃水出忌甜物

胡黃連丸 治孩子熱疳

胡黃連

蟾酥各等分

右爲末。蜜丸如菉豆大。五歲熱水送下二九。

調中丸 治孩子諸疳。或熱攻衝心。肺氣急。晝夜有汗。日漸羸瘦。不吃乳食。

柴胡

茯苓

人參

木香

桂心

大黃濕紙裹燬

枳殼麩炒去

甘草炙

鱉甲醋炙各等分

右爲末。蜜丸如梧桐子大。每歲兩九。至五歲三九。熱熟水下。忌如常。

地黃煎方 治孩子疳勞。肺氣熱。欬嗽。四肢漸瘦。心肺乾。

生地黃汁五兩

酥

生薑汁

蜜各一兩

鹿角膠半兩

右先將地黃汁安鍋內。慢火煎。手不住攪。約五六沸。下酥。又五六沸。下蜜。次下膠。又下薑汁。慢火煎。候

如稀錫。卽住火。每食後兩度。共與一匙頭。忌毒物。

又方 治孩兒疳蝕口齒。齒齲宣露。臭穢不可近。

葶藶炒

梧桐律等分

右爲末。以臘月猪油調。微煎作膏。取柳木筋子。綿裹。微微搵藥。時烙。

又方 治孩子疳蝕唇鼻及諸瘡。

硫黃

乾漆

文蛤

右等分燒灰稍煙盡研爲末入麝子少許以帛拭瘡濃血後用藥乾摻之立效。

又方 治孩子初患諸色痢及微有疳氣。

右藥不限多少炒令黑拗破看內外相似爲散空心米飲下半錢以歲加減服之忌如常。

又方 治孩子赤白痢。

阿膠

赤石脂

枳殼炒

龍骨

訶子炮半熟去核各半兩

白朮一分

右爲末一歲二歲空心米飲下半錢。

又方 治孩子冷毒疳痢白濃疳澁瘦弱不喫食腹痛。

青木香一分

黃連兩半

右爲末蜜丸如梧桐子大一歲以上空心熟水下一丸三歲五歲服二丸藥性熱者不宜多服忌生冷。

溫脾散 治孩子水瀉利并脾冷食乳不消喫乳頻吐。

附子

乾薑

甘草炮剉各

白朮兩一分

右爲末。空心米飲下半錢。忌鮮魚毒物。

火丹證治

黃帝問岐伯曰。後生少稚。多被惡疾。丹毒。二品若何分之。岐伯曰。陽解百年。一十以上爲毒。一十已下爲丹。丹毒一也。隨其大小分別之。治之有毒至。依方。萬無一差。喻人間男女皆遭丹毒。至依此枉死者復何限哉。良由信邪師之語。仍被恐之。愚昧之人。勿與下手。請依方用。今出此圖。形狀如後。按此圖。今佚。

伊火丹。從兩脇起。

神竈丹。從肚起。

尿竈丹。從踝起。

胡吹竈丹。從陰囊上起。

天火丹。從腹背遍身起。

天雷丹。從頭頂起。

燁火丹。從背甲起。

胡漏竈丹。從臍中起。

廢竈丹。從曲臂起。

神氣丹。從頭背上起。

土竈丹。從陰裸起。

朱黃丹。赤豆色。遍身上起。

螢火丹。從耳起。

野竈丹。從背脊起。

鬼火丹。從面上起。

伊火丹。從兩脇起。

右用猪糞燒灰。并鐵槽中泥拌。調塗之。日三。

神竈丹。從肚起。

右用土蜂窠。杏仁。膩粉。生油調塗。立差。

尿竈丹。從踝起。

右用屋四角頭茅草。燒灰。使雞子白調塗之。

胡吹竈丹。從陰囊上起。

右用水茄窠下泥。和苦酒。塗之。

天火丹。從腹背遍身起。

右用樺皮白末。和生油調塗之。亦用赤石脂。羊脂。調塗之。

天雷丹。從頭項起。

右用陰乾葱末。拌赤脂塗。又用竈下土。雞子白。調塗。
胡漏竈丹。從臍中起。

右用屋漏水。調竈中土。塗之。

廢竈丹。從曲臂起。

右用屋四角茅草灰。雞子白。調塗之。

神氣丹。從頭背上起。

右用牯牛骨燒灰。羊脂塗之。

土竈丹。從陰踝起。

右用屋四角茅草。竈橫麻。及雞子白。調塗之。

朱黃丹。赤豆色。遍身上起。

右用慎火草。擠汁。和酒調塗之。

螢火丹。從耳起。

右用慎火草。擠汁。塗之。

野竈丹。從背脊起。

右用柔香茸、蒴藶、赤小豆末塗之立差。

鬼火丹從面上起。

右用窻下土、鷄子白調塗之立差。

雜證

平和飲子 治小兒初生可日與之。

人參

茯苓

甘草炙

升麻 已上各一分

右以水一白盞煎至一合半已來時時與之乳母忌食油膩滿月及百晬以來加之臨時冷加白朮熱

加開 各半錢

又方 治孩子臍中不乾

白礬 一錢 煨過

龍骨 一分

右為細末入麝香少許每次使拭臍乾摻之用帕裹避風

青木香散 治孩子陰囊或如疝腫脹

狐陰 一雙 炙

蒺藜 炒

昆布

枳殼

槐子 一分 各

地膚子

右爲末。一歲二歲。空心米飲下一錢。

又方 治孩子蛔蟲咬。心痛。面伏地臥。口吐清水痰涎。

檳榔

苦楝根

鶴虱炒各

右爲末。空心熱茶下一錢。以意加減。忌粘食。

杏仁丸 治孩子或渴。此是蛔蟲傷。

杏仁尖去皮

膩粉各一分

右爲末。每用睡丸。空心米飲茶任下。二九。

又方 治孩子赤遊腫。或如丹。煩渴。渾身赤瘤壯熱。

棗豆粉

鉛白霜

右細研。蠶薑汁調塗之。

又方 取鉛霜法。將鉛來於石上。打令薄。掘地作坑。可鉛片大。以杵擣坑實。滿坑着醋。以鉛蓋定。經一宿。

去取霜如珠子大。和藥使之。如煩渴。以後服解熱飲子。

又方

麥門冬

小蘆根

竹葉

乾葛搗末

漏蘆

犀角屑各等分

右用水四合半。合煎一合。無問食前後。徐徐與之。

消石散 治孩子身上無故腫。但覺肉色赤熱。

消石

大黃

菘豆各等分

右爲末。每用時。隨腫大小。取菘蓬根研汁。調塗腫上。如有惡物。即看有點子。以膏貼之。四面以散子熨之。若無菘蓬根。即用雞子白。或車前根葉。亦得。

又方 治孩子胎中受風。長後或滿身生瘡。癩癢如疥癩。或如飲飽痒瘡。

葱白

硝

臭黃

硫黃各等分

右用油半兩。燒令熱。下少許蠟。先剝葱白三莖。細切。待油熱。即潑葱上。細研。續下硫黃、臭黃、硝。更研之。旋塗。

茴香散 治孩子赤眼。并胎熱。及疳障多淚。

茴香

冬青膽陰乾

生甘草各等分

右爲細末。每洗眼時。取藥一分。水一盞。煎一二沸。後溫洗之。或孩兒長大。即加藥并水。

引子方 孩兒用藥洗眼後。可更服之。

知母

黃芩

青箱子

地蛹子

秦皮

車前子

山梔子

獨活各等分

右藥以水五合煎二合去滓溫服忌食如常

又方 治孩子疳耳

白礬半兩燒過

龍骨

鉛丹一兩各分

麝香少許

右爲末以綿裹竹枝子淨探濃水以一小豆大藥傳之別以綿裹塞慎之勿令見風

又方 治小兒疳耳

石硫黃製

右爲細末以摻耳中日一夜一

又方 治孩子小便不通

茯苓

通草

冬瓜子

車前子各等分

右以水四合藥二兩煎一合半作二服忌油膩

側柏散 治孩子風熱

側栢

鬱金

乾蝎

天南星

子苓

大黃已上各半兩

右爲末治風及驚溫酒下退熱每夜熱水下半錢

柴胡飲子 治小兒行遲小兒傷抱腳纖細無力行止不得或骨熱疳勞肌肉消瘦

柴胡

鱉甲米醋塗炙

知母

桔梗

枳殼麵炒去瓢

元參

升麻

右藥等分並細剉每日煎時三歲以下取藥半兩水五合煎二合去滓分二服空心食前後各一服忌毒物飲後用澡浴方

澡浴方

苦參

茯苓皮

蒼朮

桑白皮

白礬各半兩

葱白許少

右藥剉細每浴時取一兩沸水三升浸藥後通溫與兒浴之避風於溫處妙

又方 治小兒數歲不能行取葬家未開戶盜其飯食來以哺之不過三日便起行勿令人知之

